

欽定石渠寶笈續編

欽定石渠寶笈續編

第十八

養心殿藏 三

列朝名人書畫 二

宋人文姬歸漢圖 一卷

**本幅**絹本縱九寸橫三尺九寸。設色畫文姬歸騎侍從者男女十一人無名款。

御題行書。

剛足修史猶不許何用千金贖一女去留兩地

不忍言十八拍中字字苦明妃無還蔡女還紅  
顏命亦有夷難漢家鄉郡原如故二十年来轉  
眼間何人筆底傳神韻八字雙眉蹙千恨前瞻  
故國心欲飛迴憶雙兒淚偷拭颼颼獵背朔風  
生嚴寒那畏歸鞭鳴候門父老意何急戎王馬  
上難為情乾隆御題鈐寶二古香太玉

鑑藏寶璽

金璽

收傳印記

皇帝圖書萬歷之璽

祇應使寶玩  
張口山

記梁清標印。蕉林秘玩。蕉林玉立氏圖書。蒼  
巖子蕉林居士。

宋人臨輞川圖 一卷

〔本幅〕絹本。縱九寸四分。橫一丈一尺三寸六分。設色界畫。輞川通景。每處標題。曰輞水。曰華子岡。曰孟城坳。曰輞口莊。曰文杏館。曰木蘭柴。曰斤竹嶺。曰茱萸泚。曰宮槐陌。曰廐柴。曰北垞。曰欽湖。曰臨湖亭。曰柳浪。曰欒家瀨。曰金屑泉。曰南垞。曰白石灘。曰竹里館。曰平夷塢。曰椒園。曰漆園。有宋徽宗書玉維輞川。

集詩并二跋

王維朝川圖有二。此高本當為第一。以其布  
置更勝也。宣和五年十二月御筆題鈴押印。  
新家孟城口。古木餘哀柳。來者復為誰。空悲  
昔人有。一城。飛鳥去不窮。連山復秋色。上  
下華子岡。惆悵情何極。暉子。文杏裁為梁。  
香茅結為宇。不知棟梁雲。去作人間雨。古人  
槽梁映空曲。青翠漾池潯。指入商山路。樵  
人不可知。新竹空山不見人。但聞人語響。  
近景入深林。復照青苔上。秋山飲餘  
飛鳥逐前侶。彩筆時分明。夕嵐無處所。木蘭  
結實紅且綠。從如花更開。山中留客置  
此芙蓉杯。秋風及徑蔭官槐。幽陰多綠苔。  
庭門但迎掃。為有山僧來。留輕舟迎仙  
客。悠悠湖上來。當軒對樽酒。四面芙蓉開。有

朝散無聊檢出再觀一過畢竟妙于矮本是	裝莫瑤席欲下雲中君	婆數株樹 <small>用</small> 桂尊迎帝子杜若贈佳人	古人非傲吏自關經世務獨寄一微官	山中發紅萼洞戶寂無人紛紛開且落	林人不知明月來相照	滅青林端坐幽篁裏彈琴復長嘯深	北垞湖水北雜樹映朱蘭遙迤南川水明	綠蒲向堪把家住水東西浣紗明月下	鳳翔文鵠羽節朝玉帝	鷺復下源家日飲金屑粟少當千餘歲	鷗颺秋雨中淺淺石涵溝跳波自相激	倒影入清漪不學御溝上春風傷別離	湖上一回首青山卷白雲	遙遙不相識	亭經舟南垞去北垞森難即隔浦望人家
-------------------	-----------	----------------------------------	-----------------	-----------------	-----------	----------------	------------------	-----------------	-----------	-----------------	-----------------	-----------------	------------	-------	------------------

月廿有二日。宣和御筆重題。鈐印一。御書之寶。

引首

御識行書。

石渠舊藏輞川圖凡五。郭忠恕臨者二。李公麟。文徵明。許邦本。臨者各一。今得此輞川圖卷。宋徽宗題為王維高本。玩其卷數設色。古意穆然。第比視郭文諸卷。印壑畧同。而皴染各異。惟李卷則繁簡判然。因以畫禪室收弄之。摩詰雪溪圖。

相較用筆迥不侔。更難信為右丞真蹟。惟卷尾  
附錄輞川諸詩。書法秀逸。可觀前後題識。亦俱  
瘦金風格。又不得竟斥為後世庸史贗作。當是  
北宋高手所臨。徽宗誤以為真。出王維耳。及檢  
宣和畫譜。收維畫一百二十有六。而不及此圖。  
按畫譜成於宣和二年。此卷款為宣和五年。則  
圖或得自成書以後。亦未可知。不當並疑宣和  
題品之為偽託也。然余謂輞川雖王維別業。而

圖本則未必出自王維。考新舊唐書維本傳載其與裴迪賦詩相酬。兼及華子岡諸勝。而不言其自繪為圖。且張彥遠歷代名畫記。祇言維於清源寺壁畫輞川。別無繪全圖之說。彥遠唐人。其言自為足據。至宋黃庭堅始云摩詰自作圖。造微入妙。秦觀黃伯思輩遂從而耳食之。其後益轉相傳述。諸人於畫理不精。且未深考。自不足為定論。蓋右丞止有清源寺壁畫。好事者因

倣其大意。改為橫卷。或在同時。或在宋代。皆不可知。後世所有輞川圖。謂之臨摹則可。若云葉本真出維手。余斷以為不然。顧昔人無論及者。因跋是卷。舉而出之。即題為宋人臨輞川圖。以釋傳疑。而息聚訟。夫輞川固王維之別業。亦猶蘭亭為王羲之修禊處。今云王羲之蘭亭圖。固可。而必非羲之所畫也。余謂王維輞川圖。亦如是而已矣。卷後所列趙孟頫跋。字體全不類。

餘九跋更自檜無譏。就米芾紙色墨顯偽者之說評之。可辨其妄。仍姑存以為鑒定之證。其已入書各卷。有涉疑似者。悉識本卷中。茲不復綴。

壬辰仲冬中澣御識。鈐寶二。乾隆。引首舊跋有朱一初印。

### 後幅前人題跋

王序諸家並田綱口所為嘉相亭記。合有若干處。無不入畫。無不有詩。以此則序諸之習。次漸涵情致高遠。固非塵埃中人所傳。第也。其圖亦出自序諸點綴。有高本矮本傳世。此圖乃高本也。較之矮本更勝。後復系以詩題。種種神妙。世所稱卷中三絕。孰有逾于此。

者。昔明皇見鄭虔畫。題為三絕。其亦未見此耳。若見此卷。其稱實又當何如耶。一日太僕危君出示於余。惜余衰邁已甚。而不能悉其旨趣。惟有掣節三歎而已。延祐辛酉春三月十有一日。吳興趙孟頫書于臨波亭中。鈴印二。趙氏子昂。趙孟頫印。

桐口風。桐春日。遇淺沙。深渚。帶東蕩。紅杏花。開。翔白鷗。綠楊絲。集迥黃鸝。山雲寂寂。入寒竹。野。露。深。寒。嫩。葵。誰似。右丞。清絕處。千秋一士更何疑。古澹鄧文原。鈴印一。鄧文原印。

一日太僕先生持高本。初川閣問於余曰。輞川圖有高本矮本何也。予應之曰。摩詰始為矮本。本低則邱壑不聳。景物延緩。故摩詰後演為高本。本高則山岳峻峨。臺館周匝。以此知矮本尤不若高本之更佳也。太僕曰。非子言則予心幾茅塞矣。予又聞趙子昂云。此圖

遭金人之變。遺落顧坦中。一卒拾歸。不知其  
為重寶也。後尚有裴迪唱和詩。不相連屬。其  
妻裴去。與光相戲。竟投之於火。此可為深痛  
惜者也。夫子因素稱博雅。深曉古今事跡。豈  
無蘇而出此語。今已歸於太模。可為得所。復  
何慮哉。茲因出示。俾以風昔所聞。而書其左。  
後之覽者。藉此亦足知朝川國之始末矣。大  
癡學人黃公望拜手書。時乙丑七月三日。鈴  
印二。大癡黃氏子久。  
奉題太模先生所藏王右丞輞川圖二首。滿  
酒開元士。神圖繪輞川。樹深疑垞小。溪淨識  
沙圓。狂竹分青蘂。庭槐欲暮烟。此中有高臥  
歌枕聽飛泉。研畫更詩仍好。榮迴自一川。湖  
情嵐氣爽。浪靜柳陰圓。賦詠成珠玉。經營起  
霽烟。當斗滿朝士。若箇在林泉。共。梅道人吳  
鎮書。鈴印二。梅花卷。吳仲圭印。

剡川園出自摩詰。一點染其壺。樹景物無  
不可遊。可玩。可忘世。以故賞識者。稱其  
詩。苟非留次。磊落。指掌神奇。恐未易悉  
也。至於詩題。後論。不減陶謝。又詩中畫  
也。五百餘年來。畫家如林。鮮有與之並  
駕者。披閱一過。不勝神往。丹邱生柯九思  
鈴印二。敬仲。柯右丞此卷。向入宣和御府。  
流轉人間。今又屬之太僕先生。乃知神物  
去來。原無定處也。吾師松雪已為題識。  
而余何幸。付以展閱。既言而并系以短句。  
附尾云。開元朝士王摩詰。解晚金章山水  
間。槐陌圓頭足怡樂。嘉賓觴詠竟忘還。  
因園流轉既經年。高本角然更可憐。  
誰謂米顛今再見。未應珍玩猶人壘。  
紫芝山人俞和書鈴印二。俞和紫芝。先  
外大父松雪翁。嘗語人云。學書不學右軍。

終成下品。繪事不法右丞。不能上達。信斯言也。第下世已十有六年。未敢少忘。一日太僕先生出示高本輞川圖。畫法詩題俱已入聖。誠藝林中奇珍也。前有翁鄧善之先輩及吾同志。予久仲圭敬仲紫芝識語如珠聯璧合。亦可見一代文物之盛。當並垂不朽矣。黃鶴山。蘇王蒙記。鈴印二。王蒙印。黃鶴山者。素清亦有矮木輞川。危太樸先生有高本輞川。均是神品。若布景無綴矮本不能不少遜一篇。前一筆道人題語詳備。可翻知言汝南表凱題。

二采先生所藏高本輞川已久。一日過其寓舍。余欲求觀甚堅。先生知不能已。遂為出示。乃知摩詰一生精脉盡萃於此。相與歎賞。竟日。余曰。君有輞川卷。余有古冊七十二幅。足相敵也。援筆書之以紀一時之勝。晤云震澤。

王養識

題籤

御筆 宋人臨輞川圖。三希堂鑑定。能品 鈐寶一 乾隆宸

翰。

鑒藏寶璽。八璽 古希天子。五福五代堂古稀天子

寶。八徵耄念之寶。寓意于物。用筆在心。

謹按表刻。字景文。觀海史。華亭人。共武中御史。有在野集。考延祐元年甲寅。盡七年庚申十二月朔。詔以明年為至治元年。卷中趙孟頫跋云。珍酉辛酉春三月。乃作偽者誤。

宋人長江萬里圖 一卷

本幅素牋本。縱一尺三分。橫四丈三尺一寸。水墨畫自蜀之岷峨抵江右廬山。風雪煙雨。諸景俱備。無名款。

御題行書。

宋時范郭夏禹玉皆有長江萬里圖。范郭真蹟曾未見。禹玉真蹟藏石渠。此卷長江圖萬里。閱之終卷名氏無。祇存徵明卷末跋。謂之宋人信。

不誣。却嗤懷玉餘士氣。且謂紙敗而墨渝。徒觀  
源蜀委於吳。名山勝蹟歷歷蘆。潯沅元氣互隱  
見。配藜佳境非模糊。為欣禹王卷不孤。范郭名  
存蹟渺乎。視此無名孰勝輸。灑然一笑長歌吾  
乙巳新正下澣御筆鈐寶三。古稀天子之寶。  
猶日孜孜。意在筆先。

後幅文徵明跋

右長江萬里圖。自蜀之岷。岷。抵江右之廬。廣  
中間名山勝蹟。纖悉具備。不知何人筆。往歲

書觀宋王懷玉所作亦始於蜀而抵浙之東  
西其行筆草草士氣有餘此卷亦由宋人則  
作家筆也但王卷然散墨渝不能了了因不  
若此卷然墨完好精神煥發可指而數也因  
周君德瑞出示漫識如此時正德十六年辛  
巳衡山文徵明鈐印二文徵明印玉蘭堂

鑒藏寶璽

八璽

古希天子壽

收傳印記太原長安王永寧胡國柱字擎天

宋人散牧圖

一卷

〔本幅〕素戕本。縱八寸六分。橫六尺九寸二分。水墨畫山麓沿溪。牛浴溪者。緣坡而上者。蔭者。牽者。聚者。行者。凡十五。牧童五。無名款。

御題行書

清泉還細草。訛寢見羣牛。素繪曲神肖。黃鍾滿  
脰年。寧勞丞相問。却笑尚書猶。考牧風人詠。搗  
毫意自遒。乾隆戊寅御題。鈐寶二。乾隆宸翰。

齊物

鑑藏寶璽

八璽

收傳印記  
白陽山人翰林學士梅花深處。

南宋鹵簿玉輅圖

一卷

〔本幅〕絹本。縱八寸二分。橫六尺六寸。設色畫。首繡衣持繖六人。次肩香案四人。次執笏中道行者一人。次乘馬負弓劍者四人。次御馬六。每馬有天武官二人。執轡。次繡衣行者八人。次平幘繡衣青襖襠二人。有所負持。以後人皆面向玉輅。若退行者。次朱衣執笏中道者四人。左右道者二人。近輅前綠袍者二人。

繡衣執仗者二人。玉輅三轅六馬。八轅馬十  
三人。夾左右龍頭子二人。左右軸青繒裏索  
引而退行者七十二人。宋志百廿八人輅四柱。中有

御坐。車蓋三層。施青玉博山。青羅衣。綴玉珮。  
流蘇四角。垂青羅絡帶。至輪下。左建太常。右  
龍旂。右輪外繡衣二人。朱衣執笏五人。車後  
拓义四人。負小梯子十人。負行馬二各四人。  
又青衲襦行者十九人。玉輅制度悉與宋史

輿服志紹興王輅合其鹵簿人數少不合儀  
衛志蓋畫工簡筆無名款。

引首

御筆。南轍新儀。鈐寶一。八徵耄念之寶。

後隔水臣工跋。

右畫一卷舊題顧愷之設輅開。中輅制華飾與馬貴與文獻通考所稱輅因鈎車而制大輅。戲之大白。全尚質樸者。豈也。不符。且侍從雜戴僕頭平幘。俱非輅制。惟通考載宋紹興十二年製造玉輅。青緋。鈎於軸馬載以行。衛士左右以青緋。裏大索。鈎於軸。

首引之而前。輅之所止。有行馬二。飾以綵綬。左太常。右龍旂。駕士服。平巾幘。綳抹額。羅綺袍。有括。又小梯等制。皆與圖中所繪符合。為南宋時畫院呈樣本無疑。今撤去。晉顧愷之。改輅圖標題。改定為南宋。由薄王輅。因可想見。南渡偏安。規制正不必遽徵景毫也。臣王

鑒藏寶璽

全璽

指首恭識。鈐印二。臣詰。敬事。臣金士松。臣沈初。年手

收傳印記。口口書印。口口私印。乾坤清賞。天  
張居士。又半印不可辨。

宋人畫山水 一軸

〔本幅〕絹本。縱五尺四寸，橫二尺五寸五分。水  
墨畫山嶺複疊，村落參差，竹院荷塘，碣亭敞  
榭，作度橋泛艇飼鶴，畧泥諸景色。無名款。

御題行書

崇深何處此仙鄉，村屋多緣密樹藏。童子自能  
供鶴料，漁郎隨意占魚梁。橋過綠柏齋，應遇船  
傍紅荷衣亦香。境隱名人，名共隱。知為北宋近

乎唐己亥長夏御題鈐寶二乾隆

鑑藏寶璽

八璽

收傳印記都尉耿信公書畫之章

宋人雪棧牛車圖

一軸

本幅絹本。縱五尺一寸，橫三尺二寸五分。淺設色畫雪山旅店。棧道盤車，無名款。

御題行書

門對通衢雪壓塵，衝寒車馬往來人。佳賓握手清談處，旅況憐他太苦辛。乙巳仲秋月，御題鈴寶二古稀天子之寶，猶日孜孜。

鑑藏寶璽

八  
全

宋人勘書圖

一軸

〔本幅〕絹本。縱一尺五寸七分。橫一尺三寸。設色。畫庭置几案。冠帶四人。有披卷者。持扇者。引紳者。脫帽者。盥者。雜侍四人。無名款。

〔玉池〕

御題行書。

嘉賓勝日集庭除。滿座松陰共勘書。惟是研精契倪筦。詎寧詮奧到蟲魚。陶陰自古讐難校。刑

典猶存語不虛。寄謂新編四庫者。漢家中壘可  
能如。甲午仲春中斡。御題。鈐寶二。乾隆宸翰。  
惟精惟一。

鑑藏寶璽

八里全

古希天子壽。

收傳印記。晉府圖書。晉府圖書之印。敬德堂  
圖書印。清秋珍玩。

宋人洗馬圖 一軸

〔本幅〕絹本。縱一尺七寸四分。橫一尺九寸一分。設色畫石臺臨池。剪頭雛奴刷馬。朱衣人迴顧前指。一人執鉞侍。無名款。

鑒藏寶璽

八璽  
金

宋人畫花鳥 一軸

〔本幅〕絹本。縱四尺五寸一分。橫二尺三寸二分。設色畫野禽雜卉。無名款。

鑒藏寶璽

八璽

李早寒林獵騎圖 一卷

〔本幅〕絹本縱一尺橫三尺五寸五分白描畫  
乘者五人前馬二後駝一騎一臂鷹腰弓矢  
點綴草樹坡陀沙磧款口華殿鋪陳口翊李  
早畫鈐印不可辨

御題行書

獵騎寒林景細摹題名李早半模糊猶存字  
七言詠實類胡環卓歇圖每恨章宗乖舊俗却

欣學士不過諛秋蒐武帳偶展閱歷歷其人若  
可呼。乙巳仲秋之月。御題鈴寶二古希天子。  
猶日孜孜

後幅前人題跋

近世畫鞍馬北方人多稱李早觀此圖意象  
開雅殊得朔漢態度但行筆少俊利耳子昂  
鈴印一趙子印氏  
聖人修文未忘武仁智城墉義樓櫓猶於農  
陳事蒐狩用舍三驅嚴部伍蘭防舊禁肅棘  
門天王如龍士如虎五兵之設謀禦侮技不  
加習侮矣禦顛飛仆走象敵愾歛至洗觴寧  
安舉其或悖之遂禽荒五子哀歌望神禹時

日明軒事稽古畫與詩書通一譜從駢牽馳  
載鮮獲將軍據鞍豪自許看畫題詩喚毛穎  
老穎蕭蕭怕風雨豪端神趣入微茫山峻寒  
烟霽林莽泰定元祀春仲後學李木魯跽遊  
手書

霜落羣山萬木空郊原獵罷起秋風玉鞭揮  
手垂金鐙羽箭懸腰掛角弓柳兒穿林經野  
外羈鷹涉水過城東功成總羨歸未早圖畫  
今看意不窮吉郡胡種鈴印一溫柔敦厚  
瑟瑟西風肅殺時平原草木盡離披馬肥弓  
健馳驅疾獵取陰山白額歸文江劉慶  
平原曉獵馬如飛目見秋豪草木稀霜冷風  
高弓力健滿馳狐兔月中歸苗衷鈴印三雪  
窩口堂清餘學而未能力  
馬蹄秃速帽欹斜獵罷陰山即念家絕塞雲  
橫天似幕滿林風冷雪成花繞鞍只要多狐

免歸路何須奏鼓笳每憶聖朝仁德厚年年  
爭貢到金華樂安楊貢鈴印二進士之章楊  
彦魁氏

鑒藏寶璽

八璽

古希天子五福五代堂古稀天子

寶壽八徵耄念之寶寓意于物用筆在心

謹按李早畫人物甚工明昌間有盛名時以  
方龍眠見畫史會要李術魯州字子輦順陽  
人官江浙行省叅知政事胡種吉水人永樂  
時翰林侍講後以忤王振謫戍劉慶吉安永  
豐人永樂六年鄉舉官教授苗衷字秉彝定  
遠人永樂癸卯進士累官尚書楊貢字彦魁  
樂安人正統進士官蘇州知府有雪艇集

趙孟頫書千字文 一冊

**本幅**宋牋本縱八寸三分橫五寸三分三半幅小楷書千字文款大德九年八月廿九日書子昂有董其昌題 董其昌觀庚申八月

**後副葉前人題跋**

趙文敏正書得右軍衣鉢此千文蠅頭小楷春容婉暢兼李北海法文太史刻之傳雲帖中自米南宮西園雅集序扇書小楷外無復與抗行者慎其寶之庚申八月望前一日董其昌跋米元章云小字如大字世亦有之大字如小字未之見也蓋自許云若子昂此

十文舒之尋丈正復奇偉所謂寬展有餘結  
密無間殆兼之矣其昌又題

鑒藏寶璽

金璽

收傳印記羅氏惟祥敬明私印張維芭印吳

半印

趙孟頫書歸去來辭真蹟 一卷

〔本幅〕宋牋本。縱九寸三分，橫三尺八寸四分。  
行書。陶潛歸去來辭。歸去來兮。田園將蕪，  
胡不歸。既自以心為形役，奚惆悵而獨悲。悟  
已往之不諫，知來者之可追。實迷途其未遠，  
覺今是而昨非。舟遙遙以輕颺，風飄飄而吹  
衣。問征夫以前路，恨晨光之熹微。乃瞻衡宇，  
載欣載奔。僮僕歡迎，稚子候門。三徑就荒，松

菊猶存。携幼入室。有酒盈尊。引壺觴以自酌。  
眄庭柯以怡顏。倚南窓以寄傲。審容膝之易  
安。園日涉以成趣。門雖設而常關。策扶老以  
流憩。時矯首而遐觀。雲無心以出岫。鳥倦飛  
而知還。景翳翳以將入。撫孤松而盤桓。歸去  
來兮。請息交以絕遊。世與我而相違。復駕言  
兮。焉求悅親戚之情。話樂琴書以消憂。農人  
告余以春及。將有事于西疇。或命巾車。或棹

孤舟既窈窕以尋壑亦崎嶇而經邱木欣欣  
以向榮泉涓涓而始流善萬物之得時感吾  
生之行休已矣乎寓形宇內復幾時曷不委  
心任去留胡為遑遑欲何之富貴非吾願帝  
鄉不可期懷良辰以孤往或植杖而耘耔登  
東臯以舒嘯臨清流而賦詩聊乘化以歸盡  
樂夫天命復奚疑歟至大二年冬十二月十  
三日書於松雪齋子昂鈴印一趙子印氏前

有舉字編號。後白描畫陶淵明曳杖前行童子負壺挈卷隨之。

引首

御筆。五柳高風。鈴寶一。乾隆宸翰。

後幅前人題跋。

趙文敏書歸去來辭。南北所見無慮數十本。或真或行。各極精好。淵明有道而隱者也。其為文辭皆所以發其冲澹幽遠之趣。文敏居官達中。獨能好之。其志亦可尚矣。方之昔人。愛寫洛神賦者。不賢乎哉。此卷尤入妙。循正宜寶藏之。至正十六年歲在丙申正月廿八。

日橐城倪中書於杭城東橋寓舍  
湖明千載人東坡百世士出處將無同氣節  
乃相似如何松雪翁愛寫歸來辭暮年踐玉  
堂此心松菊知至今玩遺墨令人發清詠真  
氣在西山吾駕亦已命曲江錢惟善鈴印三  
九曲樵歌錢思復氏曲江草堂  
三徑秋風漫草荒歸來爛醉菊花黃誰知千  
載文章燄散落苕溪翰墨香浚儀趙倣  
予先人嗜書所藏趙松雪遺墨頗多亦有歸  
去來辭一卷并湖明畫像兵火後舊藏無一  
存手澤泯然觀此良足慨嘆此卷熟視儘佳  
非效孫叔教者洪武辛亥孟夏吉日錢唐陳  
彥博謹書鈴印二陳彥博氏湖山真逸  
陶公昔作宰辭祿蚤賦歸逍遙三徑間涼風  
追鴈衣岫雲出無心林鳥暮倦飛搗詞寄幽  
抱千載知者稀吳興趙公子妙墨為發揮出

處諒同志。惆悵世事違。頭白還故鄉。於道殆  
庶幾。把卷重歎息。底用論是非。楊李鮑恂。鈴  
印三。玩易齋。楊李鮑恂。仲乎。  
小西湖。漁者錢鈞。偕凌觀稼。孟復。顧道巢。貴  
和。訪於徵士李立。於秀野堂上。出此卷同觀。  
時有七歲客。農圃之孫鼎也。永樂丁亥九月  
鈞識。鈴印一。錢鈞志。衡。  
秀野翁所藏松雪齋帖。國初時。素城倪中。錢  
唐陳彥博。跋曲江錢思復。沒儀趙倣。語溪鮑  
仲乎。賦選古各一章。詩與跋。皆論松雪翁事。  
甚恕。益為賢者諱也。亦責脩之餘意也。諸公  
亦元季遺老。故借淵明與松雪對言。可勝感  
耶。丁丑先大父小識。二十三字。歲月而已。不  
作論。丁亥錢半隱先生題名中。自先外祖觀  
稼府君先執文顧道巢先生呼。不肖鼎為七  
歲客。今犬馬齒六十五矣。自先大父以下。亦

已惟卷中名存耳。況以上乎。人有古今。懷賢愛親之心。無古今。邑庠生。珎秀野之曾孫也。以祖執行事。予每抱此相展閱。亦惟吾兩代猶不墜世契。雖觀稼亦不克有後矣。晉宋元事有不在所深感於戲。農圃秀埜觀稼半隱。龜巢五君子風采可畫。可古人伯仲而不肖。以大馬名玷之。其不深感矣哉。珎也。其無忝為詩書家子孫。成化元年乙酉陽月廿四日。周鼎在武水天香書屋謹識。鈴印三。疑舫亭鼎。鼎不可以挂車。

宋諸帝皆善書。至於賢妃淑媛。亦有以筆札知名者。承平文采。概可想見。今觀文敏公一家。率能游戲筆墨。清麗閒婉。各有態度。豈非宗國流風餘韻所及耶。應龍郡博舟中出示此卷。輒為之語如此。它固不暇及也。宏治戊午冬仲六日。柴虛儲。唯題鈴印一。靜夫。

題籤

御筆。趙孟頫書歸去來辭真蹟。鈐寶二。乾隆宸翰。幾暇臨池。

鑒藏寶璽

八璽

收傳印記。西疇耕耦項元汴氏審定真蹟文徵明印。衡山陳半顏印博雅堂寶玩印。安定項叔子寄傲有何不可。子孫永保平生真賞。神品。天籟閣退密元汴之印。子京珍秘游方。

之外。項墨林鑒賞法書名畫。子京父印。桃花  
源裏人家。若水軒。項元汴印。項墨林父祕笈  
之印。攜李項氏士家寶玩。世外法寶。子京。項  
墨林鑒賞法書名畫。神奇。墨林項季子章。煮  
茶亭長。墨林嬾叟。項元汴印。長病仙。子京父  
誠畏齋。墨林。項子京氏。墨林山人。墨林子。墨  
林秘玩。隱居放言。項墨林印。元汴之印。子京  
珍秘。項墨林父祕笈之印。桃里會心處。項子

京父珍藏。赤松仙史。虛朗齋。蘭雪齋。梁清標印。河北棠村。治溪漁隱。蕉林。梁氏書畫之印。

### 家在北澗

謹按清河書畫舫載錫山華氏藏松雪行書歸去來辭係晚年書後有李貞伯吳原博文徵仲等五跋乃王文恪故物而書畫彙考所載子昂書歸去來辭卷一跋三詩均與此同知此卷由張入下之際五跋為人割去另作一卷矣趙倅字本初紹興人元進士洪武中翰林待制入明史文苑傳鮑恂字仲孚崇德人洪武十五年以耆儒入見命為文華殿大學士有西溪漫叟周鼎字伯龍嘉善人博極經史正統中為沐陽典史年九十修杭州志

燈下能蠅頭書儲曜字靜夫泰州人成化甲辰狀元官南吏部侍郎有柴墟集

趙孟頫雜書七帖 一卷

本幅素牋本。尺牘六通。題跋一則。俱行書。第一。縱五寸七分。橫九寸八分。孟頫懷啟仲珎。舍人賢姪。昨得書。發至鈔一定。至今無尋。所謂俞制幹者。今再以元鈔發迴。可分付還徐和尚。就便買池子為好。累收文叔書。不及另作答。縣中文書。不知如何。千文可界紙來寫去。不具。

洛中解子。不知了未。郎舍在彼。想相見。

孟頫懷啟。六月

十二日第二縱七寸六分橫一尺八寸孟頫  
茲承簡教惠及花糕野鳧橘子深叙至意祇  
領感激草草數字道謝不宣孟頫和南呈雲  
巖講主僧判大師道契付去

孟頫和南呈

第三縱

六寸九分橫九寸三分洞虛道士何此山到  
來求寫入都書十來封所以盛价來不曾相  
款得知罪知罪尤秀才有黃筌竹雀四軸甚  
佳足下可收之草草不宣孟頫頫首教畊茂

才。鈐印一趙孟頫印。第四縱七寸八分。橫一尺二寸八分。孟頫和南上覆秀公長老僧錄道契侍者。一別稍久。不勝思仰。即日想道體勝常。師兄達鑒義。昨荷周致。甚感承許。其圓成緣事。不免再詣上剎。望多方完備。如拜賜也。專此奉記。五月間到德清。又得面謝。不宜口口和南上口口。第五縱七寸。橫八寸八分。孟頫再拜。承惠字。極感介注。緣再荷改文字。

令端正所以未得奉呈昨夜寫得濟川數幅  
敬用納上又麗人行一通同呈併乞示人不  
宣孟頫再拜退之郎中足下

鈐封退之郎中  
足下孟頫再拜

證

第六縱七寸七分橫八寸二分小山寶藏

雪澗和尚攜此卷過余龜溪之上曰此雪澗  
圖也昔人作此圖本不為師計而師偶得之  
豈非所謂機鋒相值者耶因為書二字于其  
後而歸之于昂鈐印三趙大雅趙子印氏第

古縱七寸九分橫一尺五分勾秀才蜀人

名昔

欲于司中寫文書其人名家子孫望吾兄分  
付司房得從一良師友相處乃所望也孟頫  
記事呈照磨郎中執事鈐印一趙子印氏  
引首墨妙徵明鈐印三徵仲玉磬山房玉蘭  
堂印

鑑藏寶璽

八璽

收傳印記稿李李氏鶴夢軒珍藏記正筠真

賞雲間王鴻緒鑒定印儼齋秘玩朱之赤鑒  
賞劉延之印延之心賞第一希有翁標之印  
口長孺珍秘印半會侯真賞希之

謹按是蹟第一二三帖第五六七帖俱列入  
墨妙軒法帖

趙孟頫畫張公藝九世同居圖一卷

本幅絹本。縱一尺六寸五分。橫一丈八尺四寸。設色畫。唐高宗幸張公藝家。書忍字奏進事。款延祐五年四月二十二日子昂鈐印四。趙子印氏。松雪齋圖書印。松雪齋。

後幅前人題跋

此張公藝九世同居圖也。松雪翁繪為長卷。昭示後人。夫豈一水一石。悅心娛志者比哉。昔陶淵明贈長沙公詩云。同流兮。易世。感彼行路。眷焉踟躕。蓋深傷之也。杜子美。

贈從孫濟。而不免於防猜。故其詩云。所未為  
宗族。亦不為盤飧。勿受外嫌猜。同姓古所敦。  
崔長沙公及濟之事。千載之下。未嘗不令人  
興歎。安得置此卷於几案。日三展視。使葛藟  
之刺不興。角弓之怨不作。則益於人者大矣。  
四明姚安道題。鈐印一。四明姚氏。

夫圖書之理。未可盡言。皆法古而變今也。立  
萬象於胸中。傳千態於毫墨。子昂承旨。具有  
天縱。學力俱充。戲弄片楮。生氣盈溢。況此卷  
布景位置。種種匠心。天表之姿。龍威鳳臆。羽  
林騎衛。雲合景從。問者對者。窺者聽者。如人  
壽張之境。履公藝之庭。妙哉技藝。此極矣。若  
得展玩。深宜精別也。蜀人虞集。鈐印二。虞集  
伯生。

子昂口所見甚多。此卷筆力高古。色澤精妙。  
真不世之奇珍也。周正夫學士得之京師。今

歸劉孟公中秘。可謂得其主矣。廣平宋克。鈐印一。吳逸士宋子虞。  
張公白髮已盈簪。每為兒孫教戒深。一善傳家惟是寶。百年斯語重如金。學詩要盡庭前訓。忍字當口座右箴。口我披圖見詞翰。清風高節動儒林。耐軒居士王連。鈐印一。王連善氏。

鑒藏寶璽

八璽  
金。

謹按宋克字仲溫。吳人。號南宮生。明初官鳳翔府同知。

趙孟頫雙駿圖 一卷

本幅素箋本。縱六寸。橫二尺二寸五分。設色畫二馬偃卧。款云大三年秋九月望。吳興趙孟頫畫。鈐印二。趙。趙子印氏。

後幅前人題跋。并書杜甫詩。

瘦骨稜嶒不自持。二龍曾產渥洼池。將軍莫惜功名誤。猶記牽來向赤墀。盧花道人。鈐印。

一酸齋。雙驥。魁老樹濱。垂駿宛頸卧沙塵。不將畫骨抓春草。巫馬能攻相有哉。臨海陳恕可。鈐印。宛委山居士印。陳如心父。

瘦骨非綠乏駿才。素何踪跡久塵埃。孫陽他  
日如相見。莫作尋常款段猜。解魚夏宗文。錄。

鈴印一。宗文私印。

東郊瘦馬使我傷。骨骼硤兀如堵牆。鮮之不  
動轉歌側。此豈有意仍騰驥。細看六印帶官  
字。飛道三軍遺路傍。皮乾剝落雜泥滓。毛暗  
蕭條連雪霜。去歲奔波逐餘寇。驂駟不慣不  
得將。士卒多騎內廐馬。惆悵恐是瘦乘黃。當  
時厯塊誤一蹶。委棄非汝能周防。見人慘澹  
若哀訴。失主錯莫無晶光。天寒遠放雁為伴。  
日暮不收鳥啄創。誰家且養願終惠。東武明  
年春草長。石杜工部瘦馬行。番禺吳善養浩  
書。錄。鈴印三。番禺吳善章養浩氏。饒國世家文  
康公孫。

收傳印記。河東張翥。隴西仲子珍藏。隴西半印

卞永譽印。卞令之氏。式古堂書畫印。令之氏

一字仙客。三餘堂圖書記。

謹按。皕齋。小雲石海涯號。陳恕可。字行之。一  
字如心。號宛委居士。台州人。宋末授迪功郎。  
夏宗文。華亭人。預修永樂大典。授廣平主簿。

趙孟頫潔菊圖 一卷

〔本幅〕絹本。縱九寸三分。橫六尺一寸五分。設色畫上都菊花九枝。色瓣各異。無名款。鈐印三。趙大雅。趙子昂氏。

〔後幅〕前人題跋。

化染潔京。庭異花。都緣地貴。寵優加。香同御。串應多。與色比。朝衣更有華。昌本最宜陶令。酒。藥苗尤勝陸生茶。江南處士窺天巧。問足吾宗第幾家。惠山滿地。書於成均明倫堂。鈐印三。文章之印。履衡。惠山。龍沙漢溪菊成花。黑赤為粒。飽莫加。間色宜。

能存晚節。清客卿為北京華。欲酬風景。須沽酒。開對秋容莫吸茶。他日諸公富。一看定從

煙水覓清家。尚師簡。

藥陽寶繪折枝花。鶴頂倭紅莫與加。視草文

臣歌白雪。看雲仙子咏南華。金爐碧露葡萄

酒。石鼎元苗努寶茶。寄語錢塘滿隱士。烏衣

巷口是吾家。真正九禪元宵日。北廷元正氏。

知契陶淵明。寫真趙松雪。彼美韓魏公。清齋

絕香節。金陵梁初後。鈴印一復食。

物華有秋菊。頗稱傲霜枝。不謂一莖草。具此

松柏姿。當時染翰者。興言可及斯。方外史。鈴

印一張雨。

此卷留此稍久。索詩者見怒。故作拙句。玉堂

秋日開。文采約東壁。手揮菊十枝。云是松雪

筆。霏霏風露姿。累累金玉質。正色宜自炫。幽

芳藏諸密。落英雖可殄。苦節終不易。乃知天

校精匪假胎粉飾。深鑒俱名公。鄭仲題真跡。  
吾宗仲原氏。素有好古癖。休暇時時觀。如見  
陶彭澤。戒爾珍弄之。毋使豪家奪。是歲春二  
月廿二日再題。華溪九十翁沈夢麟原昭識。  
玉堂學士冰雪姿。興來寫菊凡十枝。殊形異  
色出神化。不因晚節成離披。真蹟人間豈易  
得。令我輕視千金璧。延齡會飲甘谷泉。歸去  
或侶陶彭澤。題詩泰在諸公後。松雪題我重  
搔首。願持貞操挹秋香。西風獨把重陽酒。蘭  
軒為尚志題。

傲雪凌霜異物華。物華銷萎爾方開。天生爾  
命榮施晚。毋須輕上黃金臺。余老於林間矣。  
戊子十月。覽菊增慨。故書此卷後。澳史。鈐印  
一。澳史。

絢爛菊十枝。真奪化工筆。於今四百年。實可  
通菊寶。王泰再題。鈐印一。仲文。

鑑藏寶璽

八璽

收傳印記。劉定之印。邢侗之印。何起王太王  
延世印。項聲聞印。達卿氏達卿項達卿書畫  
印。蕉林梁氏書畫之印。河北印。又一印不可  
辨。

謹按潘迪。元城人。累官國子司業。集賢學士。  
博學能文。多著書。即作石鼓文音訓。碑今在  
太學戟門者也。尚師簡。元初人。見圭齋集。蘭  
軒。王旭號。字景初。東平人。有小閑軒集。王泰  
浙人。宏治戊午舉人。官知縣。

趙孟頫溪山仙館圖 一軸

本幅素紙本。縱二尺一寸七分。橫一尺二寸。  
水墨畫溪山。界畫樓閣。款延祐元年四月廿  
一日。作溪山仙館圖。子昂鈐印三。趙子印氏。  
吳興大雅。

御筆行書。妙。鈐寶一。乾隆宸翰。

御題。

山欲雄渾却忌粗。溪如空濶終憐淺。得美去疵。

斯已佳。更惜二者難兼善。於何見之。見此圖。引  
我會心良不遠。天水真透書畫禪。自識溪山之  
仙館。崇岡屏背疊樹森。飛流出峽千迴轉。匯為  
大溪橫其前。水閣臨波資宴衍。周遭繚垣曲且  
長。石壇畫靜松陰滿。高樓突室各隨宜。朱明無  
暑三冬暖。彼高閒者四五人。麕服荷巾致踈散。  
商榷應非時務策。或則黃庭或內典。世慮何曾  
繫以羣。眸容惟覺笑而莞。秦家源畧有桑麻。漢

代雲中看雞犬。不識丹成九轉時。虛皇可慕呼  
名選。乾隆戊辰御題。鈐寶二。幾暇怡情。乾隆  
宸翰。

面有橫溪背有山。高樓敞榭築其間。丹臺不藉  
庚申守。白屋堪消九夏閒。大嶺出雲猶翠律。飛  
泉落澗亦潺湲。但無塵意斯仙境。那在仝喬共  
往還。壬辰仲夏御題。鈐寶二。幾暇怡情。得佳  
趣。

鑑藏寶璽

八  
金

高克恭青山白雲圖 一軸

〔本幅〕絹本。縱六尺。橫三尺五寸。水墨做米家山。無名款。有王士熙等題。

御題行書。

北宋雄渾有。四家率逸無。山容青鎮潤。雲態白如鋪。茅屋隱林下。板橋接路隅。南宮真脈在。割裂豈妨乎。壬辰夏日。御題鈐寶一。乾隆宸翰。

大元能畫者第一。青山白雲甚有逸致。葉儒滿。酒。戴色中。著長袍。為刑部尚書。其言子不

得證父妻不得證夫。如不得許主。此乃綱常  
中正道也。至今者為令格。真乃國家養成。傳  
之千古。今見青山白雲一軸。士熙晚生後。其  
延祐四年封贈尚書。士熙實當筆。後為湖東  
廉使。其子名松。為紹興路同知。以尚書文集  
請余作序。催取為南臺侍御。行急。不曾作得  
序。文高同知。不知在何處。其人病弱。不能世其  
家。可歎也哉。吳山重安。為高。有容。晨興灑  
墨。蒙有兩真珠。難買得起峰。應倒湧金。詩中  
奉大夫江南諸道行御史臺侍御史。東平王  
士熙。順首謀。題  
省堂點舊五朝。此老初非以畫聞。游戲木  
忘塵外想。兩間茅屋。萬山雲。月射羊岡。玉樹  
林。山濤猶在。白雲深。年歲秋。月堂中。葉滄海  
樂珠不易存。名山。羊頭。同。在西巖。老人。桃。廣  
祥手。鈴印二。西。張。姚。庸子。中。

雨後溪流抱岸迴。人稀野迳滿蒼苔。樹陰古  
屋無多住。巖際歸雲一半開。老筆精神如未  
虎。此山奇秀獻天台。河因借得仙人杖。直到  
烟霞最上來。河東張翥。外印。一。張仲舉氏。  
西域才人畫似詩。雲山高下墨淋漓。前身吳  
越詩中伯。久采風流照一時。衆空谷迴野雲  
深。路繞溪橋岸繞林。何處幽人專一竅。數間  
茅屋對山陰。大中大夫監察御史周伯琦題  
鈴周氏半印。

鑑藏寶璽

八璽

古希天子五福五代堂古稀天子

寶八徵耄念之寶

收傳印記蒼巖子蕉林居士。

謹按是蹟見書畫景考。題跋皆同。惟姚庸下  
尚有危素一詩。今佚。而幀首王士熙題。邊幅  
無餘。似以微損裁截。校景考始知已失前半  
九十七字。今鈔補備考。高尚書字彥敬。西域  
人。早仕省郎。有能名。出為江浙省左右司郎  
中。能畫山水。詩甚有唐人意。度作樂府。止記  
得兩句。曰吳山青。越山青。兩岸青山相送迎。  
又記得絕句曰無限飛塵隨馬足。春光更比  
路人忙。其作山水。人家多有之。珍藏什簾。其  
價甚高。為大元能畫者第一云云。士熙字繼  
學。東平人。南臺御史中丞。

歐陽元春暉堂記 一卷

〔本幅〕素箋本。縱九寸。橫三尺三寸。楷書。春暉堂記。黃巖王君伯善。寄跡老氏法中。從特進吳上卿侍祠京師。泰定丙寅。奉命代祀江南諸名山。事竣告歸養母。未幾。上卿力挽之。復來。乃迎母俱至。得屋順承門之西。因而治之。煖涼適宜。溫清有所。母孀居垂五十年。行年七十有二矣。京師珍麗輻輳。順承懋遷。麟

次伯善賣藥闌闌之中。以有餘之貲。左右取  
甘旨如攜。母益安裕。順適無病。待制婁君養  
浩名其奉親之堂曰春暉。謁余為之記。夫春  
暉之義。始孟郊誰云寸草心報得三春暉之  
句。余則以為化工之于百物。生之而已爾。豈  
望報者哉。特百物各以其所賦受。自見於當  
世。以無負生物者之初心。斯足以為報。今以  
草言。蓂也。著也。莧蒲也。以神。百穀也。以養人。

百藥也。以療人其微者也。名不見于詩爾雅。離騷。刈之可為葛。交槁之可代陶瓦。其為世用亦博矣。芝蘭也。生于山林。雖乏世用。而能超然自立乎衆芳之中。服御之者可去穢濁。可通神明。可資長生久視之道。故于世見重特異。推其為報亦異。若是者。非吾伯善之所謂寸草春暉者乎。嗟夫。孝子之慕其親也。無極。報其親也。無方。方有內外哉。吾是以記伯

善春暉之堂可也。伯善黃巖名家。其先考曰宗山先生。為郡名士。謝夫人宋故丞相魯王深甫之孫。宗山蚤世時。家亦粗給。夫人勤于生事。致貲用日充。又有淑範。能教諸子。至成立云。至元後己卯八月己亥。翰林侍講學士通奉大夫知制誥同修國史真郡歐陽元記。鈐印三。真郡歐陽元印。競競齋。霜華山人。

後幅前人題跋。

早歲移天已自嗟。白頭今日到京華。不辭織  
屨因方進。會見隨官似大家。反哺烏聲時繞  
樹。忘憂萱草鎮開花。鄉來王謝風流在。宜與  
詞臣作傳誇。河東張翥。鈐印一。平陽張翥仲  
舉。

王謝流風故國傳。楚縻苦節更稱賢。冰家未  
墜詩書澤。傍舍猶存伏臘田。曉鏡丹鉛塵漠  
漠。寒窓機杼月涓涓。春暉堂外慈烏樹。移在  
城南尺五天。臨川吳富。鈐印二。久大堂。吳伯  
尚印。

繁華流水去凝凝。富貴如雲氣未降。謝相有  
孫鸞影隻。王郎得子鳳毛雙。壺觴上壽城南  
宅。機杼驚秋月夜窓。太史可書傳不朽。莫憐  
揮淚洒滄江。宣城貢師道。鈐印二。貢道甫章  
太冲山房。  
築室扁春暉。移家向帝畿。香車薦盛繡。翠白

王生。肥。喜。得。為。親。壽。無。勞。寄。客。衣。百。年。偕。老。  
願。願。祝。子。同。歸。沐。浴。清。朝。化。殊。無。去。國。思。  
才。華。非。向。日。家。道。勝。當。時。春。華。池。塘。夢。秋。風。  
庭。樹。悲。國。樂。兒。女。樂。吾。亦。久。忘。茲。山。東。程。益。  
餘。印。二。靜。春。齋。程。益。

鑑藏寶璽

八頁  
全。

趙。接。政。陽。元。字。原。功。號。圭。齋。元。史。有。傳。吳。富。  
字。伯。尚。臨。川。人。登。之。孫。預。修。宗。遠。金。三。史。官。  
江。西。行。省。參。知。政。事。貢。師。道。字。道。甫。宣。城。人。  
官。翰林。待。制。出。為。嘉。興。路。治。中。

王振鵬寶津競渡圖 一卷

本幅絹本縱一尺一寸五分橫五尺八寸界  
畫寶津樓競渡故事石欄下小字款至大庚  
戌王振鵬為翰林承旨曹公作

鑑藏寶璽

謹按翰林承旨曹公乃曹伯啟字開甫陽山  
人官御史臺侍御史元史本傳載英宗初拜  
集賢學士蓋其時也

趙雍竹西草堂圖 一卷

本幅宋紙本。縱八寸五分。橫二尺五寸。趙雍  
水墨畫松間草堂。一人獨坐。隔岸業竹。無名  
款。有楊瑞題詩。

草玉蕭蕭在屋東。主人號作竹西翁。品題莫  
說揚州夢。好寫雲間八卷中山居道人鈐印  
一楊瑞元識

引首

趙雍水墨竹數葉篆書竹西二大字

并詩籬外涓涓澗水流。竹西花草弄春柔。茅

檐相對坐終日一鳥不鳴山更幽寂仲穆鈴  
印二仲穆天水圖書

後幅前人并高士奇題跋

竹西志有騷一章章十二句客有二三  
子詩竹西楊公子卷末見缺崖道人者一辨  
曰大夏之西有嶰谷之竹斷兩節而吹之協  
夫鳳凰此吾公子之所以取號也一辨曰首  
陽之西孤竹之二子居焉清風可以師來百  
世此吾公子之所以取號也一辨曰江都之  
境有竹西之歌吹騷客醉客之所歌咏此吾  
公子之所以取號也道人莞爾而笑曰求竹  
西者何其遠也哉俗倫協律十嶰竹未既竹  
之用也孤竹之子猷終于首陽亦未通乎中

庸道也。廣廈歌以文。泣之。竹之所。極也。  
地無往而無竹。不心在渭。在少室。在太  
石。羅浮。慈姥。文竹之所也。公子居雲之漢。燕  
蕩之所。數箇。蘇苦之所。最結亭一所。在竹之  
右。即吾竹西也。莫求諸遠。我雖然。東家之西  
迤。西家之東也。竹又何分于東西界哉。吾想  
夕陽下。春新月在。庾闕。從兒至公子。鼓琴  
亭之所。歌商聲。若出金石。不知協律之有。漸  
谷。餓隱之有。西山。駢人解客之有。平山堂也。  
推其亭于兗周。莫非吾植。推其西于東南。莫  
非吾美。二三子何求曲之隘哉。三子者。斐然  
失容。惺然下意。逡巡而退。道人復為之歌。明  
日公子來。請曰。先生之言。善言。余竹西者。立  
書諸碑。為志。歌曰。望使娟兮雲之望。結氣  
于成堂。百川勢而易。雷子孰與玩斯遺者。曰  
美人之好修兮。群氛垢而清涼。豈大東之無

西子。若稽首于西皇。虛中以象道子。體圓以  
用方。人焉知吾之所子。為西為東。錢苗道人  
為李翮榜第二甲進士。會稽楊維禎也。鈴印  
四千岩。乾秀為難爭流。楊維禎印。庶夫錢處  
水南山北。

問訊楊維禎宅。深居在竹西。風林宜月影。春日  
聽鶯啼。東老應同樂。南隣意舊題。東風又花  
草。相與及幽栖。方外張雨。鈴印。上貞居。句曲  
外史。

竹西詩文前之諸君子賦之備矣。金華邵東  
效白樂天歌。以贈翟君房才一笑。歌曰。君不  
見古來愛竹知幾人。我人愛之能逼真。請世  
為我側耳聽。我今作歌歌具陳。唐人愛竹誰  
第一。精妙獨數王摩詰。作亭在東口。竹法却  
對黃蒿味。蕭瑟後來復出前。協律。庾莖跋節  
在絕平。青山居士欣得之。常作長歌更跋延。

蕭後受者絕不聞。賴有湖州丈使君。使君相  
與數百載。繼興此竹傳其神。自言平生少知  
者。惟有蘇子嗟云云。東坡得意下筆親。筆底  
榮華皆淡雲。當時好事刻諸石。雪堂之墨今  
猶存。其餘諸子不服論。載之真謂何紛紛。元  
朝豈亦無作者。國初以來誰復寫。高書高風  
生古燕。風致不在蘇文下。吳興復出松雪翁。  
飛白之石尤滿酒。息齋父子俱解畫。指指聲  
名在朝野。丹邱先生與秘閣。間畫古今天所  
假。嗚呼數子各枯槁。我欲從之生不矣。清風  
散落天地間。遺墨蕭條已如寶。楊君愛竹隱  
竹西。竹西之名人共知。卷中題咏宜易得。價  
重不減珊瑚枝。花君彦村今得之。座中篋箇  
生風猗。昨朝邀我觀此卷。清風滿地歌竹詞。  
感君此意何以報。索紙為作長歌詩。報以雙  
南金。南金非我有。報以綿繡段。繡段不可久。

贈君相交期白首此在詩傳不朽鈴印四  
邵東之印原性古意竹屋生  
楊子宅前好修竹因看萬个碧交加薰風滿  
簾吹蒼雪春雨充庖廚玉芽茶白或開未北  
騰。籀龍未許過東家時時彷彿揚州去拄杖  
尋君日又斜扶風馬玩鈴印三竹素書房魯  
鈍生馬玩文璧印章  
竹之清自淇澳詩作知兩貴重昔唐以來愛  
竹若子猷元卿輩不知其美矣其為人類首  
如瑤林玉樹洒然風塵之表所謂淇汨遺跡  
塵胸垢而者為愛也至正乙未春余來浦東  
張溪楊君平山愛之植竹數百竿于西林結  
亭蒼翠間扁曰竹西因以為號焉一日出示  
手軸展觀友人楊庶夫作三辨以志之奇甚  
索余詩得賦長句愧不工也紅紫紛紛眩凡  
月子獨深居嗜修竹西林培植遺化功聞歲

亭亭立蒼玉。校校老喬霜雪餘。西窗數竿烟  
雨足。高標勁節。若子自孤。聖雅韻。幽人獨。炎  
氛一點飛不到。滿地濃陰清。肅肅生平不伴  
千戶侯。直欲遠繼王子猷。元卿三迤亦蕭蕭。  
七賢六逸真天游。結亭松下臨清流。竹西名  
扁志所求。春波蕩蕩漾。中夜發。山嵐噴噴鳴蒼  
球。朱簷龍拂翡翠羽。湘簾半捲珊瑚鉤。半山  
家住張溪側。髯髯當時草元宅。自期寫作圖  
畫看。今今呼咍掃真碧。舊栽雨霽今為林。新  
長琅玕過百尺。歲寒尚友雙嶺松。枝幹相依  
如鍊石。綠窻沉沉几席潤。日對此君成莫逆。  
松江水滑清。連漪連漪瀉入青玻璃。玻璃竹  
色光陸離。醉呼美人歌竹枝。竹枝詞古知音  
稀。廣陵歌吹作者誰。庶夫三辨尤崛奇。中涵  
妙趣吾不如。竹西竹西細論之。臨風朗誦漢  
唐詩。月樓趙楠鈴印四世廣堂。趙氏茂原。登

竹爲道書種堂。

爲竹移家亦苦早。我如東道竹如賓。石頭路  
滑橫竿暖。岷首碑沈感慨新。淡月半窓金弄  
影。清風一逗玉傳神。明常拄杖敲門去。愛汝  
草元亭上人。至正十五年。歲在乙未。鵬月廿  
六日。曲江錢惟善。在江浦義塾題。岷首借喻  
廣陵。今昔之不同耳。鈴印三。會心處。江月松  
風。錢思復氏。

谿上人家多種竹。林西清意爲詩翁。湘靈鼓  
瑟風未興。鳳鳥銜圖月在東。一空蕭閒淇澳  
似。此若貞節歲寒同。何當近造歲元處。靜日  
敲茶試小童。承郡陶宗儀。鈴印一。赤松仙史。

鉄崖平生以文爲游戲。如竹西題。最枯。觀  
其落筆。層層叠叠。乃能發許多議論。亦可謂  
宏且賅矣。余嘗評應酬未嘗爲文之病。此良

驗也。楊公子得諸公品題。今日姓名。賴以嘉然不亡。文周天地間最壽之物。孰謂儒生終日弄筆。為不急事哉。宏治七年六月望日。前進士吳郡楊循吉。觀于袁君養正樓。居題。楊氏竹西之號。為之品題者。皆有元一代名家。彼後人既魯王之失。而養正復趙壁之得。可以永傳矣。昆山黃雲。

正德九年。吳趨唐寅。觀于梁溪道中。

元楊竹西草堂景。趙雍竹枝。明墨林山人項

元汴清玩。用價念兩。購于吳中。有嘉字編號。

鈴印三。子京所藏。項元汴印。墨林山人。

元楊瑞字元誠。為江浙行省掾。氣豪而有

清尚。一時諸公。皆與往還。晚栖峯泖間。植竹

千竿。自號竹西居士。趙仲穆為詞。楊庶夫作

記。元誠自題之。趙仲穆。張伯雨。馬文璧。錢思

復。陶九成。皆有詩。可為元人佳蹟。早未春。余

在病中客得此見願留之數月。山荆脫簪珥  
為余購之。歲八九年矣。己卯十一月十六日  
小寒已過。蒸暖如二月。盆中臘梅大發。黃蜂  
爭出。晴而復雨。取此展閱。恐後人不知。茲卷  
之曾為我有。同書其後。噫。山荆與余別去八  
年餘。人罕之感。豈能去懷。故並記其由。後人  
得此者。勿去。宋跋以存古遺。幸甚。幸甚。藏用  
老人高士奇。寸憲。鈐印五。跋。旦柏堂高唐書  
江村高士奇之章。不以三公易此目。  
元楊瑞字元誠。為江潮行省掾屬。氣豪而有  
清尚。與曹雲西順金粟倪雲林諸公遊。吳絳  
寫其像。雲林為布樹石。而諸名人題咏之家  
住張廬。有。不碍雲山樓。又植竹千竿。自號竹  
西居士。趙仲穆為作此圖。蓋風流文雅之佚  
也。元季士君子。不樂仕。而法網寬。田賦三十  
稅一。故野處者。得以雄賞。而樂其志。此卷向

為嘉興李九疑紫桃軒中物。辛未四月。病中  
得此。與山荆共賞之。今日獨自展觀。中懷悵  
數。且恐人不知草堂圖。亦是仲穆所作。又不  
知元誠為何人。因書于後。康熙甲戌春正月  
廿三日。積陰微雨。梅花應氣幽淡。香開生簡  
靜齋中。無人知我此時情也。江村高士奇。鈐  
印三。士奇。高濂人。竹意。

鑑藏寶璽

全八

收傳印記。揚子草元亭。貞期游心藝圃。華原  
草堂。項墨林鑑賞章。墨林研癖。子京田疇耕  
耨。項子京家珍藏。若水軒墨林堂。項子京氏。

平生真賞。項墨林父秘笈之印。桃果元汴之  
印。隱居放言。淨因庵主。退密寄傲。樵李子京  
父印。墨林外史。項叔子墨林。懶叟。天荒地老  
無人識。口笠生游方之外。惠泉山樵。墨林秘  
玩。天籟閣有何不可。墨林項季子章。虛朗齋  
宮保世家。物外元賞。駕鶴湖長。桃花源裏人  
家。惟心淨土。李履亨。博雅堂雅玩記。樵李李  
氏鶴夢軒珍藏記。李珂雪珍藏。珂雪。靜寄軒

圖書印簡靜齋江村江村秘藏朗潤堂印江  
村士奇之章高士奇圖書記柏堂高詹事竹  
窓臣弘私印

設按楊瑞字元誠錢塘人。文宗時召見奎章  
閣。累洪禧明仁。進文。科。官。累。官。建。德。路。提。管。  
趙。權。字。茂。原。冒。山。人。至。治。中。為。吳。學。正。陶。宗。  
儀。字。九。成。號。南。村。黃。巖。人。趙。雍。之。甥。著。說。邪。  
輟。耕。錄。書。史。會。要。諸。書。黃。雲。字。應。龍。崑。山。人。  
官。瑞。州。府。訓。導。有。丹。巖。集。

李容瑾漢苑圖 一軸

本幅絹本縱五尺二寸五分橫三尺四寸水

墨界畫山水樓閣臺榭凡四五重人物僅寸

許款李容瑾作

裝潢存半

鑑藏寶圖

八

謹按李容瑾字公琰界畫山水師王孤雲見畫史會要

任仁發貢馬圖 一卷

本幅絹本。縱九寸四分。橫六尺二寸。設色畫馬三。前引執刀旂者二人。效者三人。隨者二人。款至大元年孟春望日。雲間任子明。鈐印一。子明。

鑑藏寶璽

八璽

收傳印記。天籟閣墨林子元汴之印。墨林外史。項子京家珍藏。項墨林父秘笈之印。子京。

虛朗齋神游心賞項墨林父秘笈之印畢沅  
審定畢沅寶藏秋颿珍賞畢沅之章秋颿畢  
瀧鑒賞。

任仁發三駿圖 一卷

〔本幅〕絹本。縱八寸九分，橫四尺二寸五分。設色畫三奚官各效一馬。前引一人却顧。款月山道人鈐印一。任子明。

〔後幅〕前人題跋。

畫馬前朝數月山。分明豪素出天關。只今驚塞方充。誰拔龍媒卓犖間。元任氏月山。最善寫馬。此卷所寫三駿。神氣奔逸。頗有韓幹筆意。間為桂君山泉所得。山泉得此。偶閱衡山舊藏。適有前作。古人所謂韓公畫馬。真是馬。蘇子作詩如見畫。誠為二絕。信可寶。

笑。壬子六月。創峯山人王一瀛書于池陽去  
思亭中。鈐印三。世翰堂。仲登。王一瀛印。

鑑藏寶璽

收傳印記  
蕉林觀其大畧

趙麟相馬圖 一軸

本幅素綾本縱二尺九寸八分橫九寸五分  
設色畫喬柯上冒藤蘿有馬低嘶朱衣人撫  
樹倚鄰坐觀自題紫騮矯拂晴川雲雄姿會  
擬能空羣要知畫肉更畫骨幹也還數曹將  
軍今人漫說畫唐馬秋原苜蓿西風射世間  
若有真龍駒應笑千金不當價吳興趙麟鈐  
印一浙江行省檢校之章有柳林題

御題行書

坐樹對良驥。權奇意態雄。底須受王勃。耐可韻  
秋風。一記畫圖內。諸吟想像中。素庵定誰氏。應  
自擬支公。癸巳仲秋御題鈴寶二比德朗潤

丙戌仲秋客遊秣陵同詹文祥吳夢白謝少  
應李叔承胡仲魚程見泰汪惟道吳伯仁登  
燕磯牛首而汎莫愁。憩於樓霞。偶見趙彥微  
真蹟於素庵上人家。畫妙入神。足傳家學上  
人屬諸公拈韻詠之不才謹誌勝賞亦藉重  
於計公云爾長楊柳林紀實鈴印二柳林之  
印長楊氏

鑑藏寶璽

八璽

古希天子壽八徵耄念之寶

收傳印記周亮敬觀

吳鎮墨竹譜 一冊

〔本幅〕宋紙本。二十二幅。縱一尺二寸八分。橫一尺六寸。前二幅行書。蘇軾題文同畫竹記。後二十幅畫竹譜各一段。并識東坡先生題文與可畫筧簞谷偃竹記。竹之始生。一寸之萌耳。而節葉具焉。自蜩螗蛇蚹。以至於劒拔十尋者。生而有之也。今畫者乃節節而為之。葉葉而累之。豈復有竹乎。故畫竹必先得成

竹於胸中。執筆熟視。乃見其所欲畫者。急起從之。振筆直遂。以追其所見。如兔之起。鶻之落。少縱即逝矣。與可之教予也如此。予不能然也。而心識其所以然也。而不能然者。內外不一。心手不相應。不學之過故。凡有見於中而操之不熟者。平居自視了然。而臨事忽焉。畏之。豈獨竹乎。子由為墨竹賦。以遺與可。曰。庖丁解牛者也。而養生者取之。輪扁斲輪

者也。而讀書者與之。今夫夫子之託於斯竹也。而予以爲有道者。則非耶。子由未嘗畫也。故得其意而已。若予者。豈獨得其意。並得其法。與可畫竹。初不自貴重。四方之人。持繒素以請者。足相躡於其門。與可厭之。投諸地而罵曰。吾將以爲鞭士大夫傳之。以爲口實。及與可自洋州還。而余爲徐州。與可以書遺余曰。近語士大夫。吾墨竹一派。近在彭城。爲往

求之戰材當萃於子矣書尾復寫一詩其畧  
曰擬將一段鶯溪絹掃取寒梢萬尺長予謂  
與可竹長萬尺當用絹二百五十匹知公倦  
於筆硯願得此絹而已與可無以荅則曰吾  
言妄矣世豈有萬尺竹也哉余因而實之荅其  
詩曰世間亦有千尋竹月落庭空影許長與可  
笑曰蘇子辯則辯矣然二百五十匹吾將買田  
歸老焉因以所書畫質簞谷偃竹遺予曰此

竹數尺耳而有萬尺之勢。篋當谷在洋州。與  
可嘗令予作洋州二十詠。篋當谷其一也。予  
詩云。漢川脩竹賤如蓬。斤斧何曾赦箨龍。料  
得清貧饒太守。渭川千頃在胸中。與可是日  
與其妻遊谷中。燒笋晚食。發函得詩。失笑噴  
飯滿案。元豐二年正月二十日。與可口於陳州。  
是歲七月七日。予在湖州曝書畫。見此竹。廢  
卷而哭失聲。昔曹孟德祭橋公文。有車過腹

痛之語而予亦載與可疇昔戲笑之言者以  
見與可於予親厚無間有如此者梅花道人  
為佛奴畫竹譜書此記於卷首至正十年庚  
寅夏五月一日雨牕筆譜第一自識東坡先  
生有詩云老可曾為竹寫真小坡東坡子邁今與  
石傳神至正己丑間有客自天申來持小坡  
竹石為余觀得見真蹟因誦簡齋詩云意足  
不求顏色似前身相馬九方臯書至此陡覺

意趣似有所得。夫畫竹之法。當先師意。然後以筆法求之。可也。倘得意在筆前。則所作有天趣自然之妙。如其泥於筆法。求其形似者。豈可同日語耶。因作此紙。為佛奴寶之。吾老矣。惜其所學欠精。後生者當有精力之時。飽食終日。無所用心。畧親於硯池游戲。終勝別用心。亦不可終焉溺於此。但能玩而不流。斯可矣。至正庚寅夏五月一日。梅華道人戲。

墨於醉李春波陋室譜第二自識。擬與可筆  
意。曹操字孟德。感太尉橋元知已。及後經過  
元墓。自為祭文曰。承從容誓約之言。徂口之  
後。路有經由。不以斗酒隻雞相沃酹。車過三  
步。腹痛勿怨。雖臨時戲笑之言。非至親之篤  
好。胡肯為此哉。宋元君將畫圖。衆史皆至。舐  
筆和墨在外者半。有一史後至者。僵僵然不  
起。受揖不立。因之舍。公使人視之。則解衣槃

薄羸君曰可矣。是真畫者也。譜第三自識東坡先生守湖州日遊何道兩山遇風雨回憩賈耘老溪上澄暉亭命官奴執燭畫風雨竹一枝於壁有題詩云更將掀舞勢乘燭畫風篠美人為破顏恰似腰支裊後好事者刻於石今置郡庠余遊雪上摩挲久之歸而每筆為之不能彷彿萬一時梅雨初歇清和可人佛奴出紙冊索作竹譜遂因而畫此枝以識

歲月也。至正十年夏五月一日梅道人年已  
七十一矣。試貂鼠豪筆。潘衡舊墨。兒誦論語  
聲譜第四自識。有竹之地人不俗。而况軒窓  
對竹開。誰謂墨奴能倒景。一枝移上紙屏來。  
梅道人一日與人寫紙屏而作此枝。佛奴索  
寫此詩於譜上。遂為書也。至正庚寅夏五月  
十三日竹醉時。譜第五自識。晴霏光煜煜。曉  
日影瞳瞳。為問東華塵。何如北窓風。梅花道

人戲墨於醉李春波門笑俗陋室者飲冰先生以樗翁所書笑俗二字木刻示余揭之陋室為問俗之移人而賢者猶不能自免而況愚者而能免乎俗之可笑不可笑何則蓋習氣所積化之而然也然而俗之果可移人而人果不可移俗者乎使其喜名者而乏才識喜利者而尚浮華皆習俗移人而然焉間有墮於其中而自覺者得非心出天賦人能移

俗者至是乎。俗果可笑乎。果不可笑乎。因誦東坡詩曰。士俗不可醫之句。先生乃掀髯大笑。捧腹出門。疾走而去。余遂歌曰。我有淵明琴。長年在空谷。客來問宮商。盧胡捫軫足。幸俗不可醫。那使積習熟。我懶政欲眠。清風動脩竹。譜第六自識。孔子適衛。公孫青僕子在淇澳。有風動竹。蕭瑟團樂之聲。欣然亡味三月。不肉。顧謂青曰。人不肉則瘠。不竹則俗。汝

知之乎。梅花道人寫至此遂寫竹以破俗云。  
至正庚寅夏五月時雨牕未霽筆倦少息譜  
第七自識晴霏光煜煜曉日影瞳瞳為問東  
華塵何如北牕風梅花道人戲作此紙時南  
風初來高卧牕風到竹邊而迴微涼可愛因  
有此作書此以識其美也。至正鈐庚寅夏六  
連珠印  
月譜第八自識俯仰元無心曲直知有節空  
山未落時不復霜雪葉此懸崖竹如此元意

可也梅花道人戲墨譜第九自識抱道元無  
心凌空如有意寂寂空山中。凜此君子志梅花  
道人為佛奴戲此竹書此詩當此日有此  
枝成不成奇不奇口不能言心自知聊寫此  
語相娛嘻梅老寐語也譜第十自識相逢盡  
道休官去林下何曾見一人梅老戲墨時客  
至退而書也譜第十一自識竹牕思閑寂銅  
博香委曲胸中有用書寫竹湘天綠蟬聲初

響凌霄花開南風時來清旦蕭蕭爽氣如在  
西山拈筆偶書至此佛奴習右軍書讀孟子  
六月九日也梅花道人戲墨譜第十二自識  
鮮于伯幾題高房山墨竹詩云涼陰生硯池  
葉葉秋可數亭前客夢醒一片江南雨至正  
十年夏六月九日因雨牕孤坐拈筆寫此紙  
以識歲月也梅花道人戲墨譜第十三自識  
梅花翁寄興於椽下譜第十四自識簡齋詩

意足不求顏色似前身相馬九方皋梅花親  
書也譜第十五自識我觀大地衆生俗病易  
染難去由然興起慈雲靈為甘露法雨此詩  
息齋道人畫竹於皋羊僧舍題云因做其作  
遂書此云至正十年夏六月十日梅花彌隨  
喜而戲墨也譜第十六自識逕深茅屋陋樹  
倚夕陽斜行遍青山路何邱不可家至正庚  
寅夏六月梅花老戲墨也譜第十七自識輕

陰護綠苔。清風翻紫籜。未參玉版師。先放揚  
州鶴。梅老戲作於度餘之東客位。且喫茶。戲  
譜第十八。自識。愁來白髮三千丈。戲埽清風  
五百竿。幸有穎奴知此意。時來紙上弄清寒。  
梅道人戲墨。時驟雨忽至。清風涼肌。至正庚  
寅夏六月十五日也。譜第十九。自識。昔游錢  
唐吳山之陽。元妙觀方丈後池上。絕壁有竹  
一枝。俯而仰。因息齋道人寫其真於屏上。至

今遺墨在焉憶舊遊筆想而成以示佛奴以  
廣遊目云譜第二十自識董宣之直嚴顏之  
節口頭不屈彊項風雪梅花道人戲作雪竹  
之法每幅分鈴印庚寅梅花盒嘉興吳鎮仲  
圭書畫記遊廬一梅吳中圭

前副葉萬玉藟

隸書

西園王一鵬觀梅花老子

詩畫乘興書此鈴印三一飛太原生扶搖九  
萬

鑒藏寶璽

八  
璽

收傳印記李肇亭印醉鷗樵李李氏鶴夢軒  
珍藏記項叔子宮保世家天籟閣墨林子子  
孫世昌寄教墨林秘玩神品項元汴印項子  
京家珍藏子京父印墨林山人退密項墨林  
鑑賞章子京子孫永保若水軒神遊心賞樵  
李項氏士家寶玩澹中有味黃冢山氏精賞  
宋肇審定宙雲山館教忠堂印松喬堂書畫

印。子孫寶之。衣園居士衣翁秘玩。秋容亭竹  
香館。衣園觀玩。衣園審是雙清鑑賞。珍藏雙  
清閣。書畫章。衣園珍藏。竹溪秘玩。竹溪逸史  
竹溪居士。滋大。

謹按王一鵬字九萬華亭人宏治間貢生雲  
間志畧稱其畫兼元四家之勝

吳鎮後赤壁賦圖 一軸

〔本幅〕絹本。縱三尺四寸。橫一尺八寸五分。水墨畫蘇軾再游赤壁作賦事。無名款。

御題行書

磔裂奚妨。纏地陳可。傳事舊亦如新。仙乎祇合  
髯居士識者。定為梅道人。返放中流。聽所止。飛  
鳴過我。是何因。無須姓氏。辨一再求。劒守株。終  
未真。乙未孟冬月御題鈴寶二。乾隆。

玉池

御筆 陳迹長新 鈴寶一 乾隆御筆 附郁逢慶

題

東坡後赤壁賦圖。絹素斷爛都南溪定為梅道人筆。乃蠲近馬夏竦援何也。要其蒼厚。慶自泚餘子所有。壬申二月六日。裴成因記。逢慶鈴印。一未遇。

鑒藏寶璽

全

倪瓚畫山水一卷

本幅素牋本。縱九寸一分。橫一尺七寸。水墨  
畫。叢樹小邱。遠山橫抹。自題。山色微茫。好放  
船。秋渠野水。夕陽邊。西風更洒菰蒲雨。羨爾  
沙鷗自在眠。至正癸卯夏五月四日。畫於西  
溪仙館。瓚。

鑒藏寶璽

八璽  
金

收傳印記。石川所藏。妙明室壽平。正叔洵遠。

王蒙長江萬里圖 一卷

〔本幅素牋本縱一尺五寸五分橫四丈三尺  
淺設色畫江景映帶城闕村棧浮釣遠帆款  
至正八年秋九月下澣為朱光大叅寫黃鶴  
山樵王蒙鈐印一王蒙印

御題行書

支機之源誰易窮萬里蓋言寰區中讀書必當  
破萬卷方可下筆圖其雄蜀江公麟已絕技後

來繼者王氏蒙湯湯浩浩浴日月濫觴始出羣  
山叢江城水郭各映帶或寬或狹致不同南戒  
北戒亘古劃西源東委一氣通其間割據難悉  
數浪淘洗盡天水空作者或於斯有會直如說  
偈標禪宗爾雅樓中富名畫湖山清曉曾收并  
執信致惜失彼一貪哉望蜀於得隴 戊戌仲  
秋之月下澣御題鈴寶二幾暇怡情得佳趣

引首

御筆 南條巨觀 鈴寶一敬天勤民

後幅趙執信題跋

王叔明畫所長在重巖複嶂山水多至數十  
重樹木不下數十種人謂其生平不用絹素  
惟於紙上寫之此長江萬里圖為亦光大  
寫卷高一尺五寸橫長四丈全用披麻皴與  
向所見湖山清曉圖筆法無二卷首印記可  
辨者一神品一墨林秘玩不可辨者元屢裝  
已損其半卷尾一起韻一黃堂致政不能詳  
其為何時人也看月展對恍如冰雪滿懷惜  
湖山清曉圖當日失之把解今不知其何在  
矣康熙甲申六月廿四日益都趙執信識鈴  
印一執信

鑒藏寶璽

八璽全

古希天子五福五代堂古稀天子

寶壽八徵耄念之寶即事多所欣含味經籍天  
地為師寫心垂露寓意於物半榻琴書用筆在  
心妙意寫清快凡有同春得象外意煙雲舒卷  
保泰脩辭立誠乾隆宸翰含英咀華

收傳印記神品墨林秘玩起韶黃堂致政

王蒙脩禊圖 一卷

〔本幅〕宋牋本。縱九寸。橫四尺二寸。水墨畫蘭亭集景。款崇山峻嶺。王蒙為行。可作書。篆

御題行書

二難四美盡堪圖。枉渚浮觴作靜娛。未識東牀坦腹者。却稱自許配齊奴。丙寅御題鈐寶一  
乾隆宸翰

攜得王蒙脩禊圖。親相印證暢清娛。在前真者

顛翁怯定不重珍書習奴 辛未春暮為蘭亭  
之遊。疊舊韻重題。鈐寶二。比德朗潤。

引首

御筆。脩禊事。乾隆御筆。鈐寶三。學鏡千古含  
英咀華。乾隆御賞之寶。

後幅。張雨題跋。唐寅書蘭亭詩序。

見乾清宮所藏。

御臨董其昌臨王羲之蘭亭詩序冊。

款。戊寅三月上浣。晉昌。

唐寅書。鈐印二。唐伯虎。唐寅私印。

蘭亭脩禊序時人以比金谷宴集序右軍自  
以得配石崇為美談乃不知數百載而下禊  
帖為金石之冠金谷云乎哉卷中觴咏之樂  
浮於目睫若大令者時流之表豈不能立片  
言其間獨傲兀以元默自處亦奇矣哉至正  
六年歲在丙戌暮春之初方外張雨題鈴印  
二張雨私印句曲外史

鑒藏寶璽

八璽

收傳印記楊澹華氏毛文煒印石湖草堂口  
賓堂珍藏唐子畏圖書唐寅私印

王蒙畫荆溪濕翠 一軸

〔本幅〕素綾本。縱四尺四寸。橫一尺三寸八分。  
水墨畫遠岫喬松。溪流空濶。瀑橋邊有僮負  
擔前行。二人攜杖隨步。自識。至正甲辰春。余  
為荆溪之游。舟行九里湖。時雨初霽。而烟靄  
空濛。尚未開朗。諸山濕翠欲流。真奇觀也。歸  
就山房想像作此。以寄興耳。黃鶴山樵王蒙  
畫。鈐印二。王叔明章。王蒙之印。

御題行書

法脫尋常荷葉皺  
荆溪濕翠寫其真  
林姿峯態胥如滴  
興引沾衣確賞人  
已酉仲夏御題鈴  
寶二古稀天子之寶  
猶日孜孜

鑒藏寶璽

八璽  
全

收傳印記  
旌表貞節之門

顧瑛畫嬰粟一軸

〔本幅〕素牋本。縱三尺八寸五分。橫一尺五分。  
設色畫嬰粟叢。下襯磐石。茸草自題。春事將  
闌。紅凝綠藹。藏深谷。鶯啼喬木。消受清閒。福  
鼓。鼓脩竹。靜捲疎簾。五色芳菲。簇看嬰粟。可  
誰移玉。窈窕闌干曲。玉山道人阿瑛鈴印三  
虎頭齋。玉山主人吳下阿瑛。

鑒藏寶璽

八璽  
金

張雨浴牛圖一卷

〔本幅〕素牋本，縱一尺，橫四尺三寸，水墨畫牛  
九池中浴者，牽者，童子四，牽者，騎者，龍雀者，  
款，張雨為碧梧徵君製，鈐印一，留侯之裔。

〔幅內〕前人題

斜陽西下，柳溪頭。龍雀驅牛得自由。今歲風  
調，更雨順，聲聲齊喚太平謳。至元四年仲春  
望前一日，勿軒題於時雨齋，鈐印一，勿軒。

〔引首〕

御筆 賞契農慶 鈐寶 乾隆御筆

後幅前人題跋

西疇昨夜膏雨足。村村綠樹啼布穀。農家相  
喚整鋤犁。早起驅牛出茅屋。土腴牛健耕易  
深。暖雲籠日春陰陰。斜陽未下終十畝。兒童  
跨背行自吟。山妻相敬如賓友。炊黍烹葵饌  
南畝。溪邊浴牛壑頭坐。高歌且盡壺中酒。年  
來不因憂旱澇。萬田宜黍低宜稻。官租納足  
食有餘。社酒雞豚自相勞。人言耕夫苦。我道  
田家好。但願五風十雨年。穀登室家團圓永  
相保。方外友性涵。得其師。浴牛卷求題。因賦  
此以貽之。危素倚帝山樵。

趙文敏浴馬圖。張雨浴牛圖。向為東里楊相  
國所藏。後浴馬卷為吳中好事家取去。惟此

圖尚存相國喬孫介軒余之善友也。出所藏示予。適見此卷。氣韻充潤。筆墨如新。自有坐芬動人之態。較之文敏浴馬圖未知何若。而見此卷者。目注神怡。不覺驚歎。欲絕矣。介軒其寶之。正德二年。孟夏既望五日。張靈謹識。鈴印一。夢口。

鑒藏寶璽

八里金。

避暑山莊烟雨樓寶五福五代堂

古稀天子寶八徵耄念之寶

收傳印記靈妙

謹按張靈字夢晉吳人。與唐寅同里。志氣雅合。善畫人物。山水亦生動。見丹青志。亦見明文苑傳。

元人龍舟奪標圖 一卷

本幅絹本。縱九寸一分。橫一丈一尺二寸。畫山城宮殿。儀衛鼓樂。後有大池。奪標龍舟。凡四。人物以千數。殿宇瓦多以黃色塗之。無名款。

鑒藏寶圖 八

金

收傳印記 一印不可辨

元人嘉禾圖 一軸

本幅素牋本縱五尺九寸九分橫二尺一寸二分設色畫水田中嘉禾歧穗無名款

監藏寶璽

全

明宣宗仙猿獻壽圖 一軸

**本幅**宋牋本縱五尺六寸橫四尺一寸五分  
水墨畫水石一猿蹲石擎果一掛樹上款宣  
德丁未御筆戲寫泥金鈐印二廣運之寶御

府圖書

鑒藏寶璽 八璽

冷謙白岳圖

一軸

本幅宋牋本縱二尺九寸橫九寸淺設色畫  
白岳景自識至正癸未秋八月訂劉伯溫朝  
新安白岳於錢塘解纜溯流而上桐江至睦  
州路輾轡於萬山之中十有七天至海陽而  
上十餘里睹一天門始參謁聖像眺望山川  
步壺天五老峯珠簾仙洞見遠山岌岌而列  
前衆峰森森而參天詢及鄉人答以黃山計

一日程可至其間。於是乘興悠游。見奇松怪石。崔嵬峭壁。飛瀑溫泉。丹臺脫一鼎。鳥語猿啼。瘦僧異獸。援麓及顛。四隅八荒。悉障目前。而劉曰。肯悞入仙山也。強余摹繪。余亦勉塗似耶。非耶。冷謙啟敬識鈐印一。冷道士謙。

鑒藏寶璽

八璽

收傳印記寶繪樓龍記珍藏玉堂學士。

謹案冷謙字啓敬武陵人元初與劉秉忠同學於沙門海雲無書不讀同遊黃顛觀李特

軍畫。遂得其法。遇吳人授以中黃大丹。元末  
逾百歲矣。洪武初為協律郎。撰郊廟樂章。出  
名山藏。

張羽懷友詩圖合璧 一卷

本幅素綾本。二幅。縱五寸七分。前畫後書。畫幅橫一尺一寸八分。水墨畫遙山密樹。溪閣對談。無名款。書幅橫四尺三分。行書懷友詩。并序周道方殷。猶歌伐木。陶情無慕。尚賦停雲。況屬時艱。久乖朋好。欲攄契濶。實藉篇章。自牛文學而下。得廿三首。因懷成詠。不以齒將為序。餘需續賦。用繼末篇。牛文學諒北人南。

住久學苦不求知。多難居家少。無媒擇婦遲。  
名高登第後。俸歇喪親時。離合雖常有。令威  
異國悲。馮明府允實。單騎之山縣。留家傍海  
居。政諳因久任。祿薄似前除。井稅重科外。公  
田宿滂餘。亂離無處問。斜日下烟墟。王主薄  
欽。官小常拘格。家貧未稱閒。好吟攻近體。避  
謗喜清班。積雨平湖浪。殘陽遠郭山。傷心舊  
遊地。併在亂離間。韓徵君祠。念君多苦節。亂

後竟悠悠。古巷青衿散。空闌白髮愁。近書無  
片紙。舊業有扁舟。竄憶相尋處。柴門獨樹秋。  
莘孝廉野。破宅臨湖住。閒身過鶴長。逢人矜  
俠氣。遇難恥儒裝。有婦頻修藥。無兒解捧觴。  
從來多遠志。今日在何鄉。周先輩復。辭鄉懷  
薄祿。失意却空回。暮雨留琴別。秋風寄帛來。  
前程唯信命。後進獨稱才。憶爾何由見。荒城  
起暮埃。陳茂才恂。記誦通三傳。科名行輩期。

早泚能育弟。自學豈勞師。問字尋邨遠。收書  
出郭遲。可憐逢亂日。名姓少人知。陳進士堯  
咨。憶得前春裏。尋君晚墅烟。短橋青舫外。疎  
柳白門前。詩禮由先世。科名及少年。從來風  
骨瘦。亂裏定誰憐。莫秀才世安。蚤歲無知己。  
儒宮作掾來。魚精唯律學。漸富見詩才。白日  
書中畫。青年鏡裏催。平時猶闕養。遭亂倍堪  
哀。方曹長桑作吏風塵際。長懷隱遁情。偷閒

頻謁告。猷俗擬歸耕。日幌留賓卧。花宮請客  
行。舊書空滿篋。欲覽怕沾纓。年記室魯。蜀人  
吳郡口。文米擅儒林。漫赴諸侯辟。時捧本土  
音。空談通外學。薄祿愧初心。憶爾添惆悵。令  
人欲解簪。葉校書廣居。載筆趨戎幕。風塵折  
壯懷。相如才本富。方朔語多譎。覆井安書榻。  
開垣建藥齋。瘦妻并弱子。亂處可能偕。唐助  
教肅。送別記初春。書未報哭親。干戈方滿目。

衰墨未離身。文體高如命。官程拙似人。曾聞  
舊徒說。懷德欲沾巾。安文學處善。南中游官  
熟。結習漸能除。不學旁門術。曾信上計書。婦  
賢自有饌。官冷出無車。聞說華亭去。人傳尚  
恐虛。朱記室武。青年獨好游。馬跡徧諸州。書  
記才堪取。將軍意未酬。停杯知曲譜。卓筆擅  
詩籌。料得思親苦。逢人淚不收。宇文從弟材。  
解綬秋風裏。高堂掩總帷。省曹驚報狀。門客

製埋辭。弔服絨。來日生芻豢。致奠時。何言從此別。消息兩難知。董聘君在遠。道終難去。歸來理舊編。文章流輩許。意氣衆人憐。一子成童日。雙親迫暮年。不知逃難日。漂泊向誰前。倪山人瓚。灑掃空齋住。渾忘應世情。身閒成道性。家散剩詩名。古器邀人玩。新圖棟客呈。寂憐山水興。垂老失升平。沙門懷渭。曾住潛龍地。逢人話昔緣。行高生俗敬。法勝悟師傳。沙

鳥聽朝梵。奚奴伴夜禪。未應愁末劫。塵想自成憐。沈茂宰夢麟。命合閒中老。誰令有官情。政廉官長忌。賦拙吏人輕。故疾愁來發。新詩假裏成。何緣知在處。落日閉曾城。胡叅政鉉。聲譽徧時流。塵沙慘敝裘。泛交通俠士。長揖說諸侯。夜雨菱湖館。秋風剡水舟。從來為客慣。漂泊又無愁。潘茂異牧。後生多好武。子獨好文章。出贅因秦俗。行歌效楚狂。愁來悲世

短。衆裏喜身長。料得寧親去。留家寄海鄉。李  
逸人訥。風骨多儒相。爲師不歎貧。買書高著  
價。避酒屢辭巡。經學傳門弟。總衣塋里人。懷  
君桑梓舊。寧比異鄉親。歎至正丁未六月一  
日。苔軒高士過余。命書鄙作懷友詩。時天氣  
鬱暑。時事紛紛。極無懽悰。姑此塞命。稍暇當  
別繕寫。尋陽張羽頓首。苔軒高士先生。鈐印  
三。靜者居。張羽私印。張來儀。

引首懷友文彭鈐印一。文彭之印。

後幅前人題跋。

嘉靖壬午存餘堂重裝。鈐印二。朱子儋印。左

題張米儀懷友詩後。亂前草草別相知。亂後  
風光不盡思。惟我與君今日見。不堪來讀卷  
中詩。重讀潯陽懷友詩。眾中多是我相知。秋  
風木落鄉園外。可有人能為我思。徐貢幼文  
撰。文彭壽承書。鈐印一。文彭書印。  
萬曆庚辰七夕。觀於借樹軒。周祖鈐印二。周  
祖之印。叔宗。  
萬曆甲午秋日。雲蘿館重閱。顧大典。鈐印二。  
遊居居士。督學使者。  
先同卿六。齋筆記。中有云。元張米儀。不獨

鑒藏寶璽

八璽

能詩。魚亦能畫。曾臨高房山小幅。感而作歌。  
有云。我縱有心。嗟歎老。又云。乾坤浩蕩。江湖  
難觀。使我執筆。將何從。蓋深心於。是者。特遺跡  
難觀耳。今此卷前小圖。烟沙野閣中。二老對  
談。似有感歎。時昔之意。安知非宋以前佳畫。往往  
友圖。偶不署款耶。然予觀宋以前佳畫。往往  
不著名姓。使觀者見其筆意。自可定為某人。  
至元則自為題詠。又復倩人題詠。多至淋漓。  
滿楮。亦是一時習尚使然。宋儀獨能超然學  
古。蓋益徵其賢矣。崇禎甲申歲。禁烟前三日。  
醉臥。李肇亨題。鈐印四。於谿。英谿。鈞士。醉臥。  
李肇亨印。

收傳印記。珂雪樵李李氏鶴夢軒珍藏記。吳

下顧伯子印。爵左之居士。李珂雪珍藏武陵。

半松石居士清延閣生涯。口青山。半信印半菴

半軒。半印又半印不可辨。賞奇閣院。呂志學氏。

水月心口口。半印之珍。半印隱。半印審定私印。軍曲。

侯印。軍司馬印。騎部曲督已舜之印。麓川野。

人方外司馬談志伊印。談思重氏。平林館印。

顧大典印。道行司勳氏。

謹案張羽字來儀號靜居由潯陽徙居吳郡  
洪武時官太常司丞見明史文苑傳是蹟見

書畫彙考題跋俱合卷中所懷諸人牛諫字  
子良東平人明初官禮部尚書有尚友齋集  
華野字叔耕歸安人明初官棗強知縣存環  
洲集莫世安名伋以字行更字維恭明初國  
子助教葉廣居字居中嘉禾人官江浙儒學  
提舉有自得齋集唐肅字處敬號丹崖山陰  
人明初官翰林應奉文字有丹崖集朱武字  
仲桓紹興人僧懷渭字清遠南昌人有竹菴  
外集沈夢麟字元昭歸安人元朝武康尹有  
竹溪集胡鉉南昌人洪武乙丑進士跋者顧  
大典字道行吳江人官福建提學副使有清  
音閣集李肇亨字會嘉日華之子有寫山樓  
率國夢餘諸草是蹟刻入  
三希堂法帖

徐賁獅子林圖 一冊

本幅十二對幅。畫幅宋牋本縱六寸八分。橫

七寸九分。水墨畫。各標名。一獅子峯。篆書二舍

暉峯。篆書三吐月峯。隸書四小飛虹。隸書五禪窩。隸書

六竹谷。隸書七失標名。八卧雲室。隸書九問梅閣。

十。篆書指柏軒。隸書十一玉鑑池。篆書十二冰壺井。

篆書無款印對幅

御筆分題行書

長卷多年藏石渠。盡簪十二見茲初。方知數典  
因維則。卓犖羣峰奮迅如。一峯稜稜出塵表。  
澹含旭影宜清曉。廣尋本是箇中人。却捨高閒  
就煩惱。傑峙偏宜古樹傍。銀蟾掩映吐東方。  
一看動影一看靜。動靜其間趣可詳。高跨石  
梁俯碧澄。武夷名目借來稱。姑蘇幾度南巡處。  
踱步其間我亦曾。茅菴趺坐獨安然。五字吟  
成道衍傳。可憶夜深微服往。當頭棒喝是何禪。

幾個篋簪致谷深。冊成徐賁卷雲林。明初元  
末五百載。介節依然矗鬱森。名存十一一失  
注。跋識陸深云。雪堂儒墨由來不同道。重儔何  
必效游揚。白雲如榻承青嶽。維則因公兩放  
參。不獨緇衣黑甜趣。可知螺頂卧猶酣。三間  
野閣倚岩隈。恰喜南枝戴雪開。點點圈圈色空  
處。不妨一例問之梅。誰家柏樹不庭前。孰是  
能因孰所緣。寄語擎拳豎拂者。柏頭莫認趙州

禪。玉鑑當前色即空。澄波妥帖漾松風。池邊

儒釋相商處。形影應諮同不同。無心可汲待

明王。烹茗澆花日用常。別業久訛作倪氏。誰知

今復屬乎黃。每幅分鈐寶。乾隆游六藝圃。研

露朝日輝。讀書依竹靜。人情為田。漱芳潤意在

筆先。垂露即事多所欣。天地為師。乾隆宸翰得

象外意。清心抒妙理。含味經籍。烟雲舒卷。古稀

天子之寶。猶日孜孜。附姚廣孝題。

踞地似楊威。昂霄渾欲吼。猛虎見還猜。妖狐  
寧敢走。林端斂夕霏。泉石閤清景。澹然娛  
人心。相看忘日永。空山無宿雲。月起當殘  
夜。漸出一峯間。分光到林下。不雨自橫空。  
低垂疑飲潤。焦子過還驚。神僧度應慣。局  
繡總忘機。魔外自難入。虛圓日夜明。一塵元  
不立。萬竹雲朝合。孤亭月夜明。鳳來綠  
德。非為玉簫聲。兀立夜迢迢。松堂暮靄銷。  
安心了無法。徒受雪齋曉。夜靜起山深。隨  
風舒片影。漠漠覆柴林。獨卧永棠冷。雪中  
珠蕊開。不知暗香發。幽人試問時。正值黃昏  
月。蒼蒼庭前柏。明明西未意。禪翁指示人。  
又在第二義。非假琢磨功。法澄與鑑同。朝  
來蓮葉盡。波動覺秋風。疏鑿傍雲根。虛寒  
深百尺。時汲煮春芽。為待參元客。

引首

御筆 香界傳真

鈐寶三。含豪灑然。所寶惟賢。

乾隆御筆

後幅

御題行書

將謂獅林創老迂。誰知維則始姑蘇。冊分十二  
幼文畫卷作長方。嬾瓚圖各與海公供秘玩。同  
為佛侶濱浮屠。人家自己殊其事。道衍於斯愧

也無。甲辰仲夏月下澣御題鈐寶二古稀天

子猶日孜孜附前人并臣工題跋

余友徐賁幼文洪武間為翰林如海師作此  
十二景極為精妙余嘗題其上。迄今四十餘  
年矣。今卷上人繼師林之席。今年春來京師  
過余出示此卷觀之真若隔世事。幼文如海  
皆已謝世。余耄獨存。不能不與感於懷也。上  
人復徵余識其後。故書此以紀歲月。云。時永  
樂十五年。倉龍丁酉春三月望日。太子少師  
吳郡姚廣孝識。  
跋獅子林圖咏。此卷獅子林圖。徐幼文作。凡  
十二段。段有題名。以古篆隸寫之。獨損闕其  
一。按圖當是雪堂云。各係以五言詩。凡十二  
首。不書名氏。詞翰皆簡健。後有少師姚榮公

景。極尾。崇公稱余友。幼文為師。林如海作十二  
公手蹟。郡志之所宜有也。幼文名負仕至河  
南。左布政。工詩。能畫。吳門四傑其一也。獅子  
林在蘇城東北隅。本元僧維則之道場。寂號  
奇。勝則好聚奇石。類狻猊。故取佛語名菴。首  
圖一石。題獅子峯者。是已。或云則得法于本  
中峯。本時住天目之獅子岩。蓋以識授受之  
源也。姑蘇新志。維則字天如。姓譚氏。至九初  
人。跋尾稱如海師。豈即其人歟。但崇公跋於  
永樂丁酉。似為其徒。携至京師。而作故有四  
十餘年之歎。而與感於幼文如海之謝世矣。  
嘗聞崇公以少師還吳。訪其師於獅子林。為  
所拒。至夜漏深。以微服往。後門求見。有僧瞑  
目端坐。止以手捫其頂。曰。和尚留得此在。蓋  
崇公功成。貴顯。猶本僧服。故不曾蓄髮。徐亡

和尚撤下自己事却去管別人家事恁麼榮  
公能然而去可謂本教中之極唱乎乃大善  
知識豈即維則歟又聞榮公法名道衍嘗學  
於相城之靈應觀道士席應真者盡得其兵  
法機事執弟子禮豈還吳所見又應真耶顧  
風百嚴峻秋糠事功與學中自有之不必深  
求其人亦可也暇日偶閱此卷因重裝之聊  
記於此若獅子林之題詠尚多而幼文亦自  
有作天如詩尤可誦乃錄數首以資閒中一  
時維則獅子林即事半簷落日曬寒衣  
一鉢香羹野蕨肥春雨春烟二三子水西原  
上種松歸野鵲爭巢似憤兵怒鳴死鬪亂縱  
橫可憐踏壞杪樞櫓樹滿地落花無路行道人  
肩水灌溪蔬托鉢船歸栗有餘飽飯禪和無  
一事遠池分食唼遊魚卧雲室冷睡魔醒殘  
漏聲聲促五更一夢又如過一世東方日出

足來生。露兒深夜誦蓮花，月度廣西檜影斜。  
經龍轆轤聲忽動，汲泉自試雨前茶。高啓  
同徐賁，椰子林池上觀魚，穿蒲尾獨棒，唼蘋  
口羣仰，波平沒見痕。池靜跳聞響，漁叟已免  
捕僧孟，每分養落，日意無驚，識我臨派賞。  
徐賁，微微林影涼，悄悄池魚出，欲去戲仍戀，  
乍深驚，還逸行，偈曲出，倪瓚過獅子蘭，若密  
家梁興，誰能坐終日。倪瓚，贊過獅子蘭，若密  
竹鳥啼，還池清雲影間。茗雪鑊烟裏，松雨石  
苔斑，心靜境恒寂，何必居在山。窮途有行旅，  
日暮不知還。僧道衍，晚過獅子林，無地堪  
逃俗，來尋後到林，半山雲過磬，深竹雨留禽。  
觀水通禪，魚聞香去染心。叩門驚有客，想亦  
為幽尋。嘉靖癸卯六月望，口口陸深書，亦  
正寺謹案，獅子林元主正二年建，額曰菩提  
正宗寺，消維則之門人買地結屋以居，其師

見歌陽元寺記。維則永新人。號天如。得法於  
中。峯明本。見王餐姑蘇志。釋老傳。其詩集曰  
獅子林別錄。今猶存。如海高昌人。見王彞詩  
跋。又高智獅子林十二詠序云。創以天如則  
公。繼以卓峯立公。迄今因公。又能保持而修  
舉之。則如海乃維則座下第三輩也。僧道忞  
獅子林紀勝集。載明初諸名人詩文。但稱因  
公。其名不全。而陶宗儀南村集有題德如海  
上人聽松軒詩。意其名當為德因。或因德也。  
獅子林自至正二年壬午開山。越二十一年。  
至至正二十三年癸卯。朱德潤作圖并序。其  
時維則已示寂。如海住持。又越十年。至明洪  
武六年癸丑。倪瓚作圖。次年甲寅。瓚卒。其年  
徐貴作圖。又越四十三年。至永樂十二年。丁  
酉。姚廣孝題十二詠。然則當瓚之時。獅子林  
乃維則等三世住持之僧寺。而非瓚別業。斷

然無疑矣。費密記云：獅子林圖有三。一朱德潤。一倪瓚。一徐賁。所見文氏藏本。不知誰氏筆。今惟朱德潤圖未見。而倪瓚畫卷。徐賁畫冊。先後皆歸

內府。瓚圖卷自跋。與張丑清河書畫舫所載相符。獅子林紀勝亦載此跋。又有瓚詩二首。卷

中佚去。賁圖冊自跋。及姚廣孝跋。俱見獅子林紀勝。其每幅五言絕句一首。全見。逃虛子

詩集。畫幅賁未署款。故密云不知誰氏。但未審廣孝跋中。明指為賁所作耳。朱彝尊跋獅

子林書畫冊。謂無高啓等七人留題。惟廣孝小楷書詩。則彝尊乃真親見此冊者。獅子林

既精藍勝境。而兩圖筆墨高潔超妙。雅與地稱。其題跋收藏派傳有據。均可為藝苑寶貴。

皇上以舊藏新獲。互相印證。正昔傳之誤。求真是

之歸。

命日等鈔撮諸書。跋誌簡末。即一藝事之微。靡不  
研精核實。無取蓄疑。必使微信貫通。粹然各當。匪  
特

好古之崇情亦制事之標準也。夫。臣等不勝欽服。臣梁國治。臣劉

墉。臣彭元瑞。臣董誥。臣曹文植。謹拜手稽首  
恭跋。鈐印二。臣治。

鑒藏寶璽

八璽

古希天子八徵耄念之寶。

收傳印記。漁川珍藏。口口道人。天地閒漚清。

谿草堂。

謹案是蹟見書畫彙考。姚廣孝。陸深題跋同。  
姚廣孝所題五言絕句。當時謂之獅子林十

二詠。高啓為之序。同賦者八人。高啓、李迪、張  
適、子宜、王行止、仲謝、徽元、懿申、屠衡、仲權、張  
荷、仲簡、陶琛、彥行、及廣孝也。詩俱載御子林  
紀勝書中。朱彞尊曝書亭集中載此國跋。蓋  
見於曹溶雁門道署中。

馬琬秋山行旅圖 一軸

〔本幅〕宋牋本。縱三尺九寸五分。橫一尺五分。淺設色。畫高山紅樹。棧閣瀑溪。騎者。步者。負擔者。前後凡數隊。無名款。上有馬文璧秋山行旅圖。其昌審定字。鈐印一。董其昌。

御題行書。

背負肩挑策蹇者。紛紛名利各傳真。徒觀蹕首留名字。幸有當年說項人。戊寅御題。鈐寶二。

會心不遠德充符

鑒藏寶璽

八  
圖

陳汝言喬木山莊圖 一卷

本幅宋紙本。縱七寸七分。橫二尺三分。水墨畫山坳喬木。下蔭茅屋。上有雲氣往來。無名款。

後幅前人并臣工題跋。

石軒中重禮羅主賓雄畧思如何。西風忽向秋林起。回首青山感慨多。定菴范原理。鈐印三尚志齋宗常。魏國文正公家主奉印。秋水先生經濟才。論兵曾佐李臨淮。百年遺墨無人識。宅相題詩一感懷。廬山陳惟允先生。在勝國時嘗為江浙行省左丞。潘友石景

實其有優暇則寄興繪事流傳後世者多矣  
唐氏以安陽得此幅求題於姻親范君宗常  
而宗常實先生之外孫也能認其筆詩意故  
及之以安復請誌其顛末故云正統九年甲  
子歲夏五京兆杜瓊鈐印二東原齋杜氏用  
嘉

古人畫筆難多見見畫題詩憶古人心事獨  
留清興在水光山色不勝春頽川陳遜鈐印

二詔齋陳希敏氏

綠水園中舊華門清風喬木至今存千金遺

墨人間得陽斷題詩到子孫孫寬謹題鈐印

二綠水軒陳孟賢氏

元陳惟允吳人為潘左丞客有壽左丞仙山

樓閣國最稱精絕此喬木山莊袖卷清遠幽

遠足當卧遊又有明初數君題跋誠逸品也

康熙癸酉上巳天氣清和海棠半謝蜂聲鳥

語。無限春愁。兩年所得。元人卷軸。皆與之荆  
評賞。此卷與馬文璧幽居圖。惜其未見。為之  
增慨。江村高士。奇時居。西湖瓶盧。元時陳  
惟寅。惟允兄弟。蘇門高士。繪法宗唐宋。傅米  
著色。有李思訓李營邱之標。倪雲林與往  
還。極密。有短札長詠。與雜著。除夕前二日。夜  
坐無聊。剪燭次第錄之。於後。大兒與侍側。  
陳君惟寅。天倪先生令子也。天倪為高士黃  
清權之甥。清介孤峭。深似其舅。讀書鼓琴。不  
慕榮進。淡泊無欲。以終其身。惟寅能守其家  
法者也。世故艱虞。安貧自樂。窮經學古。教授  
鄉里。色養得母之歡心。友愛盡弟妹之和樂。  
詩文綴緝。于以為娛。余嘗愛其藻麗不羣。蕭  
然有出塵之想。聊摘數語。用歎才華矣。暮春  
之辰。忽過江渚。復示新製。相與賦詠。因成長  
句。以嘆美焉。詩云。不見陳君動隔年。暮春孤

生此江邊。政因江濶，多風雨。失喜君來，共  
編。諷詠新詩，非漫爾。艱虞速別，更凄然。看花  
相約，重相遇。已枚柳條，維酒船。二月十日，燈  
下。與陳情道舊，為留終日。至暮，葉舟絕湖而  
去。一望雲濤渺然，不勝惘惘。于懷也。明日賦  
此。寄惟寅，惟允，賢昆季。陳家兄弟，皆好修。訪  
我遠來，南渚頭。原憲長貧，甘西素。摩詰示疾，  
今其瘳。白鷗波上，五湖棹。丹桂人間，八月秋  
政使清虛足元賞，勿隨塵土逐悠悠。戲為  
七言長律，奉寄惟寅。徵君賢伯仲，聊以寓久  
間之懷耳。露下空階，秋氣清。一樽思為故人  
傾。智囊自足，色桓範。藝圃深期，訪馬卿。城郭  
雲迷紫騮迹，江湖雨冷白鷗盟。老兵得失初  
何損。司馬希夷有遠情。人還希帶數字，以慰  
老懷。余甲戌秋九月，再。

書畫留於信天巢。今請養南還。偶擬舊  
友。逢故友。昨宵燈下書此未畢。今早續成  
之時。立春已四日。紙窓日光。照牕。窗中紅白  
古梅。水仙。黃梅。香氣撩人。蜂聲入耳。東坡詩  
云。暮年眼力。嗟猶在。多病頭毛。竊未華。故向  
明窓書小字。更開幽室養丹砂。明窓作小字  
誠大快事也。時欲同大兒往柏堂。與荆人上  
飯。兼記之。康熙丁丑嘉平廿八日。江村藏人  
老人。鈴印八士奇。高澹人。高詹事。僕本恨人  
江村三十年精力所聚。無塵幽處。藏用老人  
獨倚寒窓。觀野梅。

鑒藏寶壘

金

原

收傳印記。蓮浦清賞。蕭兀齋真知此中之妙。

新笋晚花焚香評賞。高氏江村竹窓珍藏書  
畫之印。靜寄軒圖書印。竹窓。江村三十年精

力所聚。

幅內  
倒鈴

高文恪公曾孫涵珍藏。

謹案陳汝言字惟允。吳縣人。與兄汝秩俱善  
詩。工畫山水。張氏據吳日。汝秩隱居不出。汝  
言為參軍。頗親信用。事明初官濟南。經歷。生  
法死。卷中范原理詩。蓋有諷意。陳遜。長洲人  
也。永樂辛卯舉人。陳寬檢討。初之子。汝言孫  
善畫。見五峯山人集。

王紱詩畫合璧 一卷

本幅素綾本二幅。前畫後詩。前幅縱六寸五分。橫一丈六尺一寸。水墨畫谿山村落。穹塔遠城。書樓漁市。舸櫂全集。無名款。鈐印二。山陰世家。王孟端印。

御題行書。

佳處可遊亦可居。擬將蹤跡混樵漁。溪光不讓琉璃也。峯色翻看圖畫如。洋溢樂飢誠切彼。小

山招隱雅殷予。陪遊駙馬更何事。欲起九龍一  
問諸。甲申春月。御題。鈐寶二。乾隆。後幅縱七

寸四分。橫一丈二尺四寸。自書詩。使旌西上

蜀江船。玉笈函書下九天。聖德復明新日月

王畿不改舊山川。酒傾官驛爐薰細。花映宮

袍錦色鮮。愧我隨行無寸補。日陪清詠舵樓

前。六月二十三日。駙馬公奉使入蜀。因命侍行。舟中作。不到小姑今十

年。望中風景尚依然。廬山金削遙天外。漢水

綠浮飛鳥前。祠下女巫鳴。賽鼓沙頭津。吏候

官船。登臨重見舊題處。佳石歲深蘿薜牽。重過

山小孤日暮江天獨倚樓。樓高凝望思悠悠。仙

人不見鶴不返。江水自流山自秋。七澤渺茫

孤鳥度。三湘寥落片雲收。數聲長笛知何處。

懷抱不勝今古愁。黃鶴樓烟景暮蕭森。黃牛峽

轉深。灘聲孤棹月。山影半江陰。感慨追陳迹

登臨愜壯心。倚蓬眠未得。何處又猿吟。夜宿黃牛

峽。灘下待明船早發。起來蓬底尚餘酣。浪花

夾棹捲晴雪。空翠撲人飛曉嵐。勝跡登臨多

自慙。畏途跋涉信難諳。何當謝却人間事。老

卧林邱頗自甘。

黃牛峽早行。

瞿塘滯潏足風波。一

葉官航抵暮過。峽盡頓看江路闊。山開尤喜

月明多。圖分八陣石猶在。柱鎖重關鐵未磨。

惆悵英雄俱已矣。令人千古獨悲歌。

月夜過瞿塘。

兩岸青山夾去程。一江秋水片帆輕。尋常畫

裏曾看此。今日分明畫裏行。峭壁一重還一  
重。江流曲折亂山中。船頭直望路疑斷。繞到  
轉灣船又通。平生頗得江山趣。肯信江山亦  
有情。自我客行千里遠。船頭無日不相迎。怒  
浪捲花灘上灘。一重山掩一重山。無端入峽  
添狂態。日日題詩不肯閒。峽中雜吟地近瘴鄉秋  
暑熱。客行長日汗流顚。草蒸惡氣薰人醉。馬  
蹴飛塵撲面來。望近驛樓思偃息。行當山路

苦縈迴。虛懷漫有相如渴。深愧終無作賦才。

重慶道中苦熱。馬上偶成。

過雨晚來涼氣好。征鞍夜發肯

遲留。月華照路皎如畫。風葉滿山渾是秋。度

水柝鳴津口。邏隔烟燈起。驛邊樓。驅馳本亦

勤王事。添得詩情分外幽。

夜發賈縣。

殘月欲低溪

水明。林香拂拂曉風清。鳥從萬木陰中響。人

在亂山深處行。境異自令心獨賞。趣幽翻覺

句難成。不知蜀道幾千里。一路吟哦到錦城。

曉過雙溪道中

帝遣貴侯西至蜀。忝隨車從侍遊遨。

江來巫峽灘偏急。山望岷峩領最高。關樹曉

雲迎驛騎。官亭秋日耀宮袍。賢王禮待尊朝

命。跋涉應忘萬里勞。

二十四日至蜀奉酬駙馬公

忠義分

明兩出師。令人讀罷想當時。躬耕本亦巢由

志。襟抱聊將管樂期。魚水一時心已合。風雲

八陣石難移。長星不使營前墜。禮樂重興未

可知。

武侯廟

浣花溪上草堂前。想像當時思惘

然。鬢老風塵徒自感。身經喪亂。後誰憐。懶從

江夏誇鸚鵡。獨向西川拜杜鵑。知己唯應有

嚴武。不知何事又招憊。杜子美  
草堂。相如詞賦擬

風騷。浪迹臨邛逸氣飄。橫鼻豈應親滌器。馬

車何必預題橋。才名當世黃金重。高志凌雲

碧漢遙。富貴如何纔滿意。白頭吟已泣多嬌。

相如驕馬橋。  
以上蜀中賦。得失雖在天。去就當自籌。將

軍得兵八百人。奇才要逢知己收。姓名未達

孫仲謀成敗已識劉荊州。可憐黃祖不容物。  
國士宜與常人傳。翻然挾策入吳去。千里浩  
蕩誰能留。回來笑談過江夏。艤艫大舸一夕  
收。已答蘇飛恩。終負凌統讐。恩讐千載俱已  
矣。至今江水還東流。臨流敬奠一杯酒。英風  
凜凜來清秋。過甘寧船寄沔陽諸友六首。潘郎豪  
且逸。佐郡上瞿塘。縱酒官情薄。耽詩野興狂。  
才名雖藉甚。家業已荒涼。聞說喬公女。鴛鴦

鎖洞房。

潘別駕子安。

始因從宦出。先世福州人。踪

迹久居楚。語音猶帶閩。田廬依婦族。圖繪贈

交親。千里聊相問。身安莫厭貧。

蔡校書景頴。

劉郎

醫術好。夙契已逢仙。製藥少人見。秘方多祖

傳。家貧雖寂寞。客至即留連。廿載不相見。令

人思惘然。

荆醫士士俊。

每懷徐孺子。寥落共誰親。

早歲應多疾。衰年又復貧。苔痕封古巷。松影

過比隣。獨喜添丁好。傳家幸有人。

徐隱士伯玉。

氏

族南州派。遺風好獨潛。幽居隣陸羽。高藝祖  
蒙恬。地僻傍城角。花深露屋尖。年來怕徵起。  
踪跡隱魚鹽。

徐高士九馬。

每愛孫公子。風情不可

禁。留賓開博具。呼妓合胡琴。杯泛忘形酒。囊  
存買笑金。別來嗟已久。綠鬢雪應侵。

孫公子景昭。

以上還京賦。

鈐印三。拜石生。孟端。其一不可辨。

### 引首

御筆。九龍墨戲。乾隆御題。鈐寶三。研露烟雲。

舒卷。乾隆御賞之寶。

鑒藏寶璽

全八璽

謹案卷中詩多見級友石詩集考級洪武中  
以事謫成大同後放歸永樂十年始以能書  
授中書舍人此云永樂之初蓋戍歸未得官  
時其行狀亦祇云上巴蜀耳

王紱濯足圖 一軸

本幅素牋本。縱二尺。橫八寸二分。水墨畫。仄  
壁疎林。遠山寥水。艤棹臨流。濯足自題。入郭  
歸來欲莫天。數峯殘照半溪烟。悠然濯足滄  
浪上。怕帶黃塵上釣船。王紱為雪州寫濯足  
圖。并題。鈐印一。孟端有錢子良題。

口口口心日影斜。青山兩口口霞。永冠無  
復功名口口口間中理釣車。口府口口東吳  
錢子良識。鈐印一。岳齋。

鑒藏寶璽

八璽  
金

謹案所贈雪州。乃夏權。字叔度。絳友石詩集  
中有贈其五十壽詩。

王謙畫梅花 一軸

本幅宋牋本。縱三尺六寸。橫一尺一寸六分。  
水墨畫倒垂梅花。款吳工部南還省墓。茲將  
回朝。友生王謙寫此為贈。時正統庚申上元  
日也。鈐印三。王氏牧之。吳山舊隱。有方冕等  
題。

御題。行書。

水部風如何水部。王郎筆勝宋王郎。

謂王淵。

若教

風裊簾旌動。定有蜂窺壁上香。丁卯冬日。御

題鈴寶二。朗潤會心不遠。

水部當年省墓回。王郎寓贈一枝梅。恍如滄海蛟龍出。帶得明珠萬顆來。郡人方冕。鈴印

三。方氏元服。清谿小隱。春早湖山雪霽時。梅花開偏向南枝。殷勤折

贈郎官去。十里惟應慰所思。張禎。鈴印三。友竹。志確。吟詠性情。

雪後孤山放早春。疎花密蕊更精神。平生為識米霜操。模取清標贈故人。穎川陳琳。鈴印

一。良璧。先塗省罷欲歸朝。春早孤山雪乍消。獨有梅

花宜贈別。相看還憶歲寒交。金冕。鈴印三。錦杏軒。金彥端氏。稅侯世商。

凜凜冰雪時。堅貞能自守。擬彼歲寒姿。寫贈  
同心友。鳳臺張歲。鈐印一。廷桓。  
獨瑤坡前雪滿林。翠禽啼月夜沈沈。一枝寫  
贈春雲客。要見平生鐵石心。淮南將主忠。鈐  
印一。春齋。  
王郎檄得一枝春。昔贈冬官上紫宸。今日二  
君何所在。梅花又見幾番新。此圖庚申年寫  
贈。至今歲二十三年矣。國存人之。況圖中詩  
有故人彦端。廷桓之傑作。二公亦作古矣。予  
觀深有感焉。今索題勉書一絕。以紀歲月云  
耳。時天順壬午季夏望日也。武林孫謙鈐印  
三。友葵。保吉。辭達而已。

鑒藏寶壘

全。八。壘

謹案王謙。字牧之。會稽人。見國繪寶鑑續集  
將主忠。字存恕。儀徵人。景泰十才子之一。

姚綬煮茶圖詠一卷

本幅素綾本。二幅。前圖後詠。縱皆八寸七分。  
前幅橫三尺五寸五分。設色畫茅屋中二人  
對坐。有童子守爐候茗。款款煮茶圖。八分書。仿黃  
鶴山樵筆意。鈐印三。水竹邨居。嘉禾公綬。

御題行書。

茅菴茶話兩高士。泉韻松聲問答閒。大似九龍  
事茗處。斯人家本住其間。乙未暮春御題。鈐

寶二。幾暇怡情。得佳趣。後幅橫三尺二寸三分。  
自書煮茶歌。丹邱羽人輕玉食。採茶飲之生  
羽翼。名藏仙府世空知。骨化雲官人不識。雪  
山童子調金鑪。楚人茶經空得名。霜天半夜  
芳草折。爛漫綃花吸又生。賞君茶。祛我疾。使  
人胃中蕩憂慄。日上香爐情未畢。亂踏虎溪  
雲。高歌送君出。煮茶圖成復書此歌送靖之  
翁兄北上。倘遇佳山水處。不吝展卷。當勿忘。

水竹村。煮茗夜話也。因贅數語以囑。款雲東  
逸叟。鈐印三。滄江虹月。託景丹霄。教遊元籟。  
紫霞碧月翁。印。

鑒藏寶璽

八璽

收傳印記。汪季青珍藏書畫之印。摘藻堂。季  
青鑑定真跡。鳳城舊吏。駕鶴關人。汪季子文  
柏柯庭氏印。

謹案姚綬。字公綬。號曰丹邱生。自號養子。曰  
雲東逸叟。官御史。出知永寧。此卷送靖之。靖

畫。之乃張寧。北上蓋其官黃門時也。寧亦善書。